

UBUNTE BWA CITIKE PALI BEMBA

 Ilyo tatula konteka imitwe yesu mwipepo, Ndefwaya ukubelenga fimo Ifyebo fyakwa Lesa. Ndafwaya lyonse ukubelenga i Cebo Cakwe; pantu ifyebo fyandi filafilwa, fya muntu, lelo i Cebo Cakwe tacifilwa. Kabili imwe mwebakonka isambililo, nefyaba ngefyo, natu belenge ukufuma muli Mateo chapitala 14, munshita ino iya bushiku, ukutampila pa vesi 22.

Kabili palya pene Yesu aeba abasambi bakwe ukwingila mubwato, nokuya nankwe kulubali lumbi, ilyo aebele icintu bwingi ukufumapo ukuya.

Kabili lintu aebele icina bwingi ukufumapo ukuya, aile pamulu wa lupili ukupatuka ukuya mukupepa: kabili lintu...icungulo bushiku cafikile, aali palya eka.

Lelo ubwato bwali nomba pakati ka bembra, mule sensenunwa nama bimbi: pantu umwela wali kulishe.

Kabili muku mona kwalenga buune mu bushiku Yesu aile muli bena, aleenda pali bembra.

Kabili lintu abasambi bamu mwene aleenda pali bembra, bali cushiiwe, baletiila, Cena mupashi; kabili bapundile mukutina.

Lelo palya pene Yesu alandile kuli bena, atiile, Beni noku sangalala kusuma; Nine; mwi tina.

² Natukontamike imitwe yesu nomba noku pepa. Ilyo imitwe yesu nemitima yesu naikontama kuli Lesa, bushe kuliko uku kabila muno cikulwa, munshita ino iya bushiku, uko mwinglewaya cishibikwe kuli Lesa, ukupitila mukwimyako amaboko, nokwibukishiwa mwi pepo? Shikulu Aloleshe pali imwe, aba uwaluse kuli ifwe.

³ Taata Wesu mweba mu Myuulu, twaisa nomba Mukubapo Kwenu, ukupitila munshila kabili mwi Shina lyakwa Shikulu Yesu. Ukwishiba, pamo noku shininkishiwa ukwa palwa, uko Ena atulaile, nga cakuti ifwe nga "twaipusha icili conse" mwi Shina Lyakwe, ukuti Imwe kuti mwacifikilisha kuli ifwe. Ifwe tuli abatotela pali ico. Amashiwi teti yalondolole inshila tuleumfwilamo palwa ico, pamo noku shininkisha uko tukwete, ukutila Imwe mulekutika kuli ifwe pali nomba.

⁴ Namumona aya amaboko, Shikulu. Imwe namwishiha ico balekabila. Imwe tamupandwa amano, mulasangwa konse konse, Lesa uwaba konse, kabili twalishiba ukutila Imwe mwalishiba imitima yabantu. Imwe mwalishiba amatontonkanyo yesu. Nangufye ilyo ifwe tatulalengwa, Mwalishibe itontonkanyo lyonse ilyo twakwete, pantu Imwe mulasangwa konse konse.

⁵ Kibili twapepa, Shikulu, pali ino ora, nga fintu uku kabilia kwesu kulefika kuli Imwe, lolesheni ukufuma mu Muulu, Shikulu, kibili sendeni ifyakwipusha mama pepo fyesu ku mutima Wenu Mwebene, Shikulu, kibili twasukeni umwabelia ifyuma Fyenu mu Bukata. Peleni kuli ifwe ukukabila kwa mitima yesu, uku cetekela ukuti wena bufwayo bwa Maka Yenu. Kibili natwishiba ukutiila cena kufwaya ukusuma Kwenu ukucita ubufwayo Bwenu.

⁶ Tupeni ukupongoloka kukalamba ukwa Kubapo Kwenu, munshita ino iyabushiku, nakabili Shikulu. Undapeni abalwele. Pususheni abaluba, imyeni bonse abo abafwa mumembu na mufilubo, kibili baleteni mu Mweo uupya, munshita ino iyabushiku. Lekeni tumone Yesu. Twaipusha mwi Shina Lyakwe. Ameni.

⁷ Kuti mwaikalako. Ifwe tuli ababulanda ukutiila natufilwa ukupela abantu apakwikala, pamulandu noku ceepelwa incende yakwi kalapo. Lelo, ukutula pabushiku ubwakubalilapo, balaanda ukuti babwekeshemo amabumba ya bantu abengi, eico tuli aba bulanda pali ico. Kibili Munyina Grant ena afililwe ukukwata umuputule umbi uwakulwa, limbi, ku... Nincetekela ukuti ico cakukuso ukuti ena alesesha kuli ici icaputulwa. Uwatemwikwa, munyina uwatemwikwa ileelo acinjipusha nga cakuti kuti Napanga ici icintu calacitika pamwaka, ukubwelelamo ku Dallas, ku chalichi cakwe. Ukwitwa ukukalamba ukwaba ngefyo, muli iyi ora, ilyo ifibi fileisalwa mukwangufyanya, kibili nomba umuntu alefwaya ine ukubwela nokucipanga icintu capa mwaka, ukulacitwa. Ndetotela pali ico.

⁸ Nacikwata inshita iyesenge pamo nabena muno lucelo, pamo na Munyina Gordon Lindsay nabengi pali bena. Munyina Pearry Green, uyo uuletungilila uno musonkano ulecitwa kulya ku Beaumont, uwikele kunuma yandi pano munshita yabushiku. Kibili nabengi bacibusa besu, Munyina Don nomukashi wakwe. Tuli abansansa ukuba nabena pano. Shikulu Abapale.

⁹ Nomba, munshita ino iyabushiku, ukubafye...Nde esha ukupanga i Mbila ukubafye ishaanguka ngefyo shingaba, ico icakuti nangufye umwaice kuti akutuluka shena.

¹⁰ Mailo mu cungulo kulongana kwaku sabankanya imbila nsuma, kibili Ndekabila imwe bonse ukuti imwe mukafume.

¹¹ Nomba nga cakutila namukwata uku longana pa chalichi cenu, mulandu nshi, imwe—imwe mufwile ukwikala apo pene—imwe muli apo pene mwaikala. Tatulefwaya umo ukusha i chalichi cabu, uku...Kibili nga cakutila iwe naulwala ulefwaya ukuku pepelako, kibili ne chalichi cobe cikala kwata ukulongana mailo mu cungulo, uwile walanda kuli kakumba obe palwaico, pakutila tatontonkenye icabipa, imwe nawishiba. Leka ena eshibe ukutila twaba pano mukumfwana, uku—

ukwafwa u Mubili wakwa Yesu Kristu onse uko ekulebelu muno Dallas kibili noku shinguluka konse.

¹² Eico, mailo icungulo, Nde tontonkanya, pa tuu-sate, Ndi noku landa pa Mbila yaku sabankanya. Kibili nomba tuka pepelako bonse abantu abalwele, ukubula ifitupa fyaku pepelwapo ne fintu ifyo ifyashalapo mu mulungu uutuntulu, kibili nokupepelako bena bonse mailo.

¹³ Nomba isambililo lyandi munshita ino iyabushiku lili kwati bwangalo, pa nshitafye ishinono. Kibili Nalaesha ukwingilamo apakalamba munshita ino iyabushiku nga fintu Ninga cita, paku pepelako abalwele. Isambilisho lyandi lili, “wiba nomwenso, ico Nine,” Yesu alelanda. Umutwe we sambilisho lyandi lili: *Ubunte Bwa Citike Pali Bemba*.

¹⁴ Cena cali ni munshita ya cungulo kasuba, akasuba kafwile kaleya kalewa ilyo cacitike, kibili nomba bwali bushiku uwakaba nga fintu cili muno.

¹⁵ Icaku pupa umwela naconaika, kibili bale cilungisha. Uyo wine emulandu Ncinjishe umutwe we sambililo ukufuma palya, paco Naciba noku landapo, eico Ndefwaya ukwangufyanya pamo nacena, pakutila imwe tamwikele umwakaba kwati ngefi.

¹⁶ Uyu mulondo wesabi umukalamba, panuma yakumona efyo apitilemo mukasuba aleolesha Yesu mubu pyungishi Bwakwe ubukalamba.

¹⁷ Nafwaile ukwikala muli bulya bushiku, ukukonka Ena. Lelo, namwishiba, Ndi uwansansa Ncili ninkwata insambu ishakucita icintu cimo cine, ukumumona Alecita ifintu. Kibili cena cintu cimo icikalamba ukumona Ena ileelo ukucila ifyo cali lilya. Ninkwata icicetekelo icacilapo muli Ena nomba, kibili ninkwata neci cetekelo nomba ukucila nga fintu Nakwete lilya, pantu ifwe twalikwata imyaka amakana yabili ayaku shininkisha ukuti ilya Mbila nsuma intu yalungama. Kibili panuma yamyaka amakana yabili, Ena acili uwa mweo, ukucita nga fintu Acitile lilya, eico natukwata icaku shininkisha icikalamba kibili nomufula uwacilapo uwaci cetekelo nomba ukucila ifyo bakwete lilya.

¹⁸ Pantu, Ena alifye Muntu uwaleya alepitana pamo necakulanda ukuti—ukuti Atuminwe ukufuma kuli Lesa kibili aali Mwana wakwa Lesa, kibili ukuti Lesa aleshininkisha i Cebo Cakwe icabulayo icabulya bushiku, ukupitila muli Ena, kibili bena balikwete uyo umulandu uwakutwishika cena. Aba sambilila ifya miipepele, bena bali! Kibili cimoneni cena cintu cabipa, cena icine cine cali icabipisha, pantu bena aba sambilila ifya miipepele nga bali cetekelo Ico nga cakutila Lesa tapofwishe amenso yabo. Baibebe efyo yasosa.

¹⁹ Kibili bushe mwalitala amwishiba ukuti Ena Alaiale ukupofwisha amenso yabo nakabili ileelo, ukuti tabafwile ukumona ico? Nga baali aba “kuyumfwa, abamano yapa

muulu, abatemwa ukwangala ukucila ukutemwa Lesa, bakanoba bafipangano, aba bepesha ubufi, abashitekwa, bakasusha waabo abasuma; abakwata imibele yabu Lesa, lelo abo abakana Amaka yabuko.” Bwino bwino fye ubulayo ubwalungama ukubwelela kunuma nakabili. Kibili tekuti ucite lelo ukumfwafye ubulanda pa bantu, kibili namenso yabo ukuba abapofula ukufika nabuno bushiku. Pamo nama Lembo ukutila Lesa alilaya ico icili nokwisa fikilishiwa muli buno bushiku, muli ino nshita, kibili tulelolesha bwino pali ico nokumona cena. Kibili nomba abantu ukulolesha, noku pukumya imitwe yabo noku fumapo, nokutiila, “Nshicimwene ico.” Cintu cimo icabipa, lelo cibe Amalembo yafwile yafikilishiwa. Cena cifwile ukuba muli iyo yine inshila.

²⁰ Eico aba abasambi basalilwe na Lesa. Bushe mwacimona, Yesu abebele ukuti, “Ilyo umufula we sonde taulabako,” Abasalile, kibili bena bali ulubuto ulwasalwa ulwakwa Lesa. Uyo wine emulandu lintu amafya yaishile, kibili nabantu bamoneke kwati babikile Yesu mulusoso, palwa lipusho, ilyo ilishali ilipusho kuli bena. Bafililwe uku kutuluka, lelo baali abaipelesha ukukana ishiba icintu cimbi kano Ena. “Iwe wekafye niwe wakwata i Cebo ca Mweo.” Kibili baali abaipelesha ukwikala pamo na Cena, pantu balashikwe kuli lilya i ofeshi.

²¹ Kibili ifyo efyo caba ileelo ukuti abaume nabanakashi abo abalashikwa ku Mweo wa Muyayaya, baali nokwisa ku Mweo wa Muyayaya. “Bonse abo Taata ampela Ine baali nokwisa kuli Ine.” Ico e Cebo Cakwe, kibili teti cofilwe. Cena—cena Cebo cakwa Lesa.

²² Nomba twamona aba abasambi, abo abakwete umusonkano uukalamba bulya bushiku, ukuya mwibala likalamba ukukonka ulubali ulwa lupili. Kibili Yesu alibebele, “Nomba imwe kabiyen i kuntanshi ukwabuka bembu, ukuya kuntanshi Yandi.” Kibili Ena aile alenina ulupili, eka, ukuya mukupepa. Kibili naba abasambi, panuma yaku kumanya ifibuso, Ine ndeingililamo umusango baumfwillemo.

²³ Pantu, uku kumanya ifibuso, kibili nokulekana pamo nafyena; pamofye nga panshita mwaishibene, elyo nomba imwe mwalanda ukutiila shalenipo. Kibili ico lyonse cilaba umusango waku kalifya umutima kuli ine, ukuya mu calo conse, ukushinguluka i sonde, caba ku kumanya ifibuso kibili nokufisha fyena, ukwishiha ukuti kuli abengi abo tawakamone nakabili mpaka ukabakumanye pabushiku bwa Bupingushi. Cena cili umusango wa mibele iyabipa.

²⁴ Ine ndeingililamo pa bwato, pamo ne—ne cakuntanshi ukubusunkila kululamba. Kibili cali ni Simon Petro, na maboko ayamaka nama peya, ayo ayasunkile ubwato ukushinguluka nokubulosha muli bembu. Kibili bale pepesha amaboko

baletiila shalenipo kuli balya abaali palulamba. Kibili balepunda, "Bwela kuno nakabili nokubwesha Shikulu kuli ifwe! Kibili nokwisa kwata ukupuputulwa nakumbi; ifwe natupalwa nganshi ileelo!" Kibili naba cibusa abapya balepepesha amaboko. Kibili aninine ukucila abasambi bonse, nokwikala limbi kulubali lwakwa munyina wakwe, Anderea, kibili nokubula inkafi.

²⁵ Ubwa—ubwato bwalesendwa limbi nomwela nangu nenkafi isho shintu baleobelako. Kibili nomba limbi baikeli babili mubwato, babili kulubali, kibili bena bale...nangu babili pacipuna cimo, ukucila, limbi mutanda nangu cine konse konse ifya kwikata inkafi. Bena kuti baoba munshita, kibili muli uyo musango kuti baikatilila ubwato mu musana wa bwato ilyo ama bimbi yaisa. Elyo, umwela walapupa bwino bwino, kuti baimya itanga, nokula sensenuna.

²⁶ Cifwile ukuba icungulo icakaba, ukufuma muku moneka kwa Malembo ilyo ici icacitike tacilabako, kibili eico cena cifwile caali ukwatalala icine cine, ukwa kasuba kaluma, icungulo cakaba. Nakasuba kaletula. Kibili bena, lintu bale oba, balekele nokula pepesha amaboko yaku shalikapo abantu, "Tulesubila ukumimonapo nakabili inshita iimbi," ilyo baleya baleingila muli bemba. Kibili akasuba katulile, nokubuta kwa lubuto lwa cungulo, kibili panuma yanshita ne—ne mfifi yaishilemo.

²⁷ Kibili bena baleoba ukoba ukubutuka ukusuma ukwa—ukwa nkafi, kibili uyo mulimo wakosa ilyo shilya inkafi ishafina shabikwa muli bemba. Kibili nabonse pali balya bali—bali abalondo besabi, kibili abaume aba maka, abaishiba bemba. Kibili eico bena bale enekela bena Yesu ukwingila mubwato nokuba konka, palya pene. Mulandu nshi, bena bafumine kulya, bafwile bipitile mululamba panono; ico icakutila kubulafye ubwato bobe nokutampako, elyo nokuya.

²⁸ Limbi Yohane umusepela ewali uwantashi ukulanda, pantu ewali umwaice pebumba. Kibili cifwile ukuba ni ena uwatiile, "Ndeumfwia ukunaka panono. Natwiminine palulamba pakashita akanono. Ukulolelako mineti imo, tatufwile ukwangufyanya. Talati atukonke, eco tufwile uku lolelako panono nokupemako umwela uusuma."

²⁹ Kibili lintu aikele palya nakontekako nomutwe wakwe panono, awfile atampile uku kumanya ubunte. Kibili ico eco Ndefwaya ukulandapo. Cena cifwile ukuba ena uwaiminine muku balilapo, nokutiiila, "Mwe babwananyina, temulandu neco abantu balelanda, kibili nefyo umuntu umo alefwaya ukukana cetekela, Ndi uwashininkisha nomba, panuma ya leelo, tatule konka uwa bufi. Ifwe tatulekonka cimbi ukufuma pali Lesa, pantu takuli umuntu uwinka cita ico Acicita ileelo kano cena caba ni Lesa. Namwishiha, lintu Abulile ilya imikate noku

mokaula, nokulisha balya amakana yasano kulya, ico ecintu icakusungusha ica cilapo kuli ine. Pena nga paliba ilipusho ukufika na leelo,” nomba Nde bwekeshapofye ubunte bwakwe nga fintu caali, “lelo ico calipwa cena.”

³⁰ Atile, “kuti Naibukisha imyaka yapitapo. Naleikala mupepi na Yolodani. Kibili Ndeibukisha, ngo mulumendo munono, umusango uusuma, untu ba mayo abasuma abaci Yuda umusango balenjimishamo, mu cungulo, kibili nokumbika pe tanta lyabo, noku mpelula paka mpelwa, ilyo imbwa shalebosa shilekonka mululamba wa Yolodani. Kibili balelolesha ukwabuka ukulungama kuci swebebe, umo abantu besu baletelwe ukupita muli ici iciswebebe. Bena balenjeba amalyashi yamu Baibele. Kibili ilyashi limo ilikalamba ilyapama lyashi lintu Njibukisha, lyali lya mwanakashi umwina Shunamaiti kibili na lintu umulumendo wakwe umunono afwile, kibili—kibili kasesema abushishe uyu umulumendo nakabili ukumufunya kubafwa. Ilyo lyali lyashi ilya kwimya imitima.

³¹ “Lelo ilyashi limo ilya kwimya umutima, kibili ba mayo balenjeba, bena baletiila, ‘Nomba, Yohane, ulifye umulumendo munono; lelo Ndefwaya wibukishe, ilyo uleya ulekula, lyakuti, Yehovah mukalamba afumishe abantu besu mulya mu Egypto, kibili twaishile pita mulya mumatololo ukwabuka umumana kulya. Kibili yonse yali imyaka amakumi yane, iyo bena baendele mulya mu matololo, takwali incende iya kufumyako ifyakufwala, kibili takwali incende iya kuya nokulyako. Kibili Lesa alokeshe umukate ukufuma mu muulu, cila bushiku, nokulisha abantu besu muli yalya amatololo, pantu bali mu nshila ya mulimo, uku konka Yehovah umukalamba. Kibili nomba, ubushiku bumo, Yehovah aali nokulengwa mu mubili pano pe sonde, mumibebe ya Muntu, Ena aali nokwitwa Umo uwasubwa, Messiya.’

³² “Kibili Ndeibukisha,” aali nokutiila, “ngo mulumendo umunono, ifyo amano ya ulya umulumendo munono yale ingililamo, ukwesha ukwingililamo, ‘Ni mumusango nshi Lesa alishishemo balya bonse, ama millioni yabili na citika aya bantu, mulya mu matololo? Ni mumu sango nshi Asangilemo umukate?’ Kibili Naleipusha ba mayo, ‘Mayo, bushe Ena, aali—aali kwata Yehovah amabuku ayengi mulya mu muulu, kibili Ena kuti apanga umukate onse, noku uponesha pansi mubushiku noku ubika palya—palya pa mushili, ku bantu, kibili imyuulu iikalamba yakwa Yehovah yaisulamo amabuku?’ Ena aletiila, ‘Iyo, we mwana, iwe uli mwaice uku kutuluka. Wamona, Yehovah ni Kabumba. Takabila amabuku. Alandafye, kibili ne Cebo Cakwe cilasokoloka lintu Alanda. Ni Yehovah mukalamba, kibili Alandilefye. Naba Malaika bacisalangenyne nokupela pansi, ku bantu.’

³³ “Kabili ileelo, lintu Namona Ena naiminina palya, bushe mwacimona ico nokumona pa mpumi Yakwe? Tapaciba uku twishika mu mano Yakwe. Nacinina pa muulu kunuma ya libwe nokumona, nokumona Ena Abula ulya mukate noku umokaula, noku upela kuli...ba kapyunga Bakwe, ifwe, ukwakanya ku bantu. Kabili lintu Abwelele kunuma ukuputaula nakabili, ulya umukate wali uutuntulu nakabili. Kabili Alacita ico imiku imyanda, mpaka umuntu onse aikuta, kabili kwali nemiseke, iya isula, iya sendelwe. Ninjishiba ukuti ico teti cibe icacepa pali Yehovah, pantu Acitilile nga fintu Yehovah acitile. Ni Yehovah fye ewinga panga. Kabili Ninjishiba ukuti ulya u Muntu te wabufi. Kwabafye umo Kabumba, noyo ni Yehovah. Kabili nomba, pafintu fyonse ifyo Namonapo, ifyanenga ukusekelamo.

³⁴ “Ndefwaya imwe ukwishiba ukuti nomba umutima wandi uli uwacimba muku pwililika, kabili Nincetekela mukupwlilika ukutiila Ena tabafye kasesema. Ena ni kasesema, lelo Ena alicilapo pali kasesema. Ena taba uwacepapo pali Yehovah Lesa uwaikala pakati kesu, pantu Apangile umukate, kabili Akwata imisango yakwa Yehovah. Emulandu wine Ena alanda ukuti, ‘Nga Nshibombele imilimo yakwa Taata Wandi, ninshi imwe Mwincetekela; lelo nga cakuti Nabomba imilimo yakwa Taata Wandi, kabili mwakana uku Ncetekela, mucetekele imilimo, pantu ipela ubunte Bwandi nokulanda untu Ine Naba.’ Camoneke kwati abantu bali cimwene ico, ica anguka.”

³⁵ Kabili Yohane alisekelemo ukuti Ena aali ni Messiya, Umo uyo untu Esaya alandile, “Kuli fwe u Mwana nafyalwa, kabili i Shina Lyakwe liketwa Mpanda mano, Cilolo wa Mutende, Lesa Wamaka yonse, Taata wa Nshita pe.” Kabili Yohane aali sekelemo pantu ico amwene. Ulya umuntu umwaice alepela ubunte bwakwe.

³⁶ Palwa ilya inshita, Simoni Petro atiile, “Ukuba nomba, pakashitafye akanono. Nga cakuti kuti twakwata umusonkano wabunte, kuti Nafwaya ukulandapo icintu cimo. Namwishiha, Naletwishiha palwa cintu conse, lintu Andeleya munyinane, uyo uwasangilweko kukupuputulwa kwakwa Yohane kasesema, uyo uwapele ubunte ukuti Messiya aali nokwisa kabili noku mulangisha Ena. Kabili Nali uwa twishika panono pali ico Andeleya alenjeba, pantu Nalyumfwa amalyashi ayengi palwa kwa Messiya nafimbi po.

³⁷ “Lelo imwe bonse mwe babwananyina ibukisheni taata wandi umukalamba. Ishina lyakwe lyali ni Yona. Kabili mulemwibukisha, ifyo ena aali uwa cetekela uwakosa. Ifyo icakuti Ine ndeibukisha ba mayo naba taata, naifwe bonse, ilyo twaleipaya isabi ilya mu bwikashi, kabili tatwaipeyepo isabi nangu limo; twalefwaya umukate, nefyo ifwe twale fukama pansi noku pepa kuli Lesa, ‘Lekeni twikate ileelo, mwe Lesa, ukutiila twingga shitisha isabi yesu, noku lipila inkongole shesu

shonse, noku kwata icakulya.’ Kibili nefyo twingaya pali bemba, icimwela icikalamba, nokwesha uku—uku lolenkana nefi myela.

³⁸ “Kibili ba taata, Nabwene imishishi yabo iyamfw i lepelela panuma yabo, ubushiku bumo ilyo bena baikeli pamubeya wa bwato nokulanda kuli ine, batile, ‘Simoni, niwe umwana wandi umukalamba. Iwe nawishiba, Lyonse Nali mucetekela, Simoni, ukuti Ndi nokumona Messiya. Abantu besu balolesha kuli Ena ukutula mu Edeni. Kibili ifwe twalishininkisha ukuti Aali nokwisa, te mulandu nangu pati palepe shani. Apo papita imyaka amakana yane, iwe watiila. Lelo Ine nincetekela ukuti Messiya ali nokwisa. Kibili nomu Yudah onse acetekela ukuti aali nokumona Messiya munkulo yakwe. Ndesubila ukumona Ena munkulo yandi. Lelo cilemoneka kwati, Ndeya ndekula nomba, Mfwile nalesha bemba, nokufumya ubutansi bwandi noku kalipwa, limbi teti Imumone Ena munshita yandi. Lelo limbi uuli noku mumona, we mwana wandi.

³⁹ ““Kibili Ndefwaya uku kukansha mu Malembo. we Mwana, ilyo Messiya talaima noku moneka, kukaba imisango iingi iikalacitika, imisango iingi iyafintu fyabufi, pantu Satana aali nokucita ico, ukonaula ulongolo lwakwa Messiya mwine mwine lintu Ena aisa.”” Lyonse efyo cena caba; muli iyoine inshila.

⁴⁰ Kibili ifwe tulesanga ukuti, ena attile, “Ndeibukisha ena abikile ukuboko kwakwe uku nshinguluka, atile, ‘we Mwana, kwabafye inshila imo iyo wingeshibilamo ulya Messiya. Nomba twaikala imyanda ya myaka ukwabula kasesema. Malaki ewali kasesema waku shalikisha wesu. Apo papita imyaka imyanda iine, tatwakwatapo kasesema. Lelo ibukisha, Mose alitwebele, mu Malembu, ukuti, lintu Messiya akesa, Ena akaba ni kasesema, lintu Amoneke mukubapo. Ifwe fwaba Yudah batweba uku cetekela kasesema. Kibili ubulendo bwakwa Messiya pe sonde Cebo ica landwa na Lesa, ico Ena atulaya. Kibili i Cebo lyonse cisa kuli kasesema, kibili na kasesema ashininkisha ico Cebo. Iwe taufwile ukulaba ico, we mwana! Kuti limbi kwaba ifintu ifikalamba ifyaima, limbi kuti kwaba insansa ishikalamba kibili—kibili ifintu ifikalamba. Lelo ibukisha, Messiya aali nokuba kasesema, pantu twalishiba Lesa tacinja inshila Yakwe, kibili Ena atile Messiya aali nokuba kasesema. Eico ibukisha, we mwana, ba kasesema nyabo abakwata i Cebo cakwa Shikulu. Kibili ilyo Messiya ali nokwisa, Aali nokuba kasesema.’

⁴¹ “Ine ncili ndeumfwafye ukuboko kwakwe,” efyo Simoni alandile, “ilyo acipele kuli ine. Kibili Andeleya aiminine palya alesamfyia isumbu, pali ilya nshita. Ule ibukisha ico, Andeleya?”

“Ee, Simoni, Nde—Nde ibukisha ico.”

⁴² “Kibili na Andeleya ukwesha ukunjeba ukuti uyu Yohane aali ni kasesema. Nalikwete ifintu ifingi ifyakucita, nali noku shitisha isabi ne fintu. Eico taata aalifwa panshita ntali, lelo

lyonse Nalisunga ico mu mano; taata atiile, ‘Uyu Messiya akaba kasesema uwaishibikwa mu Malembo, kabili taufwile ukulaba ico pantu Cebo icalandwa na Lesa. Kabili neco Cebo caisa lyonse mukutwalilila kuli ba kasesema; ico calilangisha cena, nangu ukusokolola ubo ubulayo ubwa nkulo.’’

⁴³ Kabili nomba Simoni, “Ubushiku bumo,” atiile, ena atiile, “nawishiba, Andeleya alinjipwishe ukuya ku mitini. Kabili Naile kulya ku mitini uko uyu Muntu, Yesu, aali. Kabili Naumfwile imisango yonse iya mpupilisho. Kwaliko Yesu uwa bushiwe, kuli Ena, uyo uwalaile ukuba icintu cimo icikalamba, atungulwile imyanda iine ukubafunya kabili bonse baonawilwe, nefyaba ngefyo. Natontonkenye ukuti ico califye cimo icintu pali iyo misango, pamo nomusango wa nsansa uwaku puputulwa kumo, nangu icilonganino cimo icikalamba ico baali nokupanga. Lelo ubushiku bumo Natontonkenye ukuti Ndi nokuya na Andeleya pano, munyinane.”

⁴⁴ Kabili Nde ingililamo, palwa ilya nshita, ubwato bwatampile ukusunkana. Umuntu umo atampile ukupunda, kabili atiile, “Ikala pansi! Wisunkanya ubwato. Lolela panono. Ikala tondolo.”

⁴⁵ Kabili atiile, “Iwe nawishiba, lintu Naile kulya nokwenda pacinso Cakwe, umuku waku balilapo, Andoleshe mukutambalala mumenso nokunjeba ishina lyandi. Tatalile amonapo. Tekunjishibafye Ena kweka, lelo Aishibe na taata mukalamba uwabu lesa uwandi, ukutiila amfundishe mu Malembo. Kabili Naishibe ukuti Uyo aali ni Messiya. Ico calipwile kuli ine, palya pene. Ico caali. Ico calengelwe icalungama, kuli ine.”

⁴⁶ Cifwile ukuba ni Philipi uwatiile, “Bushe kuti Nalandapo ishiwi pano?” Nomba ena atiile, “Munyina Natanaele, wileka ici ukuti cikucene; pantu, iwe nawishiba twasambilile mumifungilo imyaka ne myaka, ifyo Messiya aali noluba. Lelo lintu Namwene Ena acita ico, Nabutwikepo nokubula cibusa wandi pano, Natanaele. Kabili lintu aishile...”

Natanaele atiile, “Lekeni incilande ico. Lekeni incilande ico.”

⁴⁷ Oh, iwe nawishiba, palipo icintu cimo palwa cintu Yesu acitile pali iwe, iwe—iwe teti wiminine tondolo, kuti wacilanda palobe, palobe. Bushe ico tacilungeme? Nga cakuti cintu cimo icili icituntulu, iwe ufwile wacilanda ico. Lintu Anjiswishe na Mupashi wa Mushilo, Nali nokulanda palwa ico. Ndefwaya umuntu umo ukwishiba palwa ico. Te muntu umbi ukulanda palwa ico; Nde fwaya ukulanda palwa ico, palwandi.

⁴⁸ Kabili Ndeingililamofye, Natanaele aali uwa cankwa kabili atiile, “Iwe nawishiba, kuti Nafwaya ukulanda ici. Naali uwatwishiwa panono palwa iwe, Philipo, lintu wanjebele. Nalikwipwishe, ‘Bushe icintu icisuma kuti cafuma mu

Nazareiti?" Kibili wampele ubwasuko ubusuma ukuti umuntu onse, 'Alisa nokumona.'" Ilya imilimo iisuma ileelo. Ico nacilungama. Taufwile ukwikala ku ng'anda nokususha. Isa, nokufwailisha palobe we mwine, wamona. "Atiile, 'Bushe icisuma kuti cafuma mu Nazareti?' Atiile, 'Isa nokumona palobe we mwine.' Kibili nawishiba ico wanjebele.

⁴⁹ "Kibili lintu Naile Kukubapo Kwakwe, kibili Anjebele ukutiila Ine 'na-nali umu Yudah, umwina Israeli, kibili naali umuntu uwa cishinka,' Nalishibe ico.

⁵⁰ "Lelo Nasungwiye ukuti, 'Kuti cabu shani?' Amoneke ngo muntu yawe yawe. Nale enekela Messiya ukwisa ukupita mulya mu kolido ya golide ukufuma mu Muulu, ukwikila ukuya kumu kalamba waci longanino pano ku Yerusalem, ukwenda nokutiila, 'Kaiapha, Nafika.' Lelo basangile ukuti, Afumine ku Nazareti, kulupwa ululanda; kibili icine cine neshina lya musebanya kunuma Yakwe, nga 'umwana wamu cani.' Apa Aiminine, nafwala ifyakufwala ifyafye, tefya bu shimapopo nangu umuntu umo; lelo umuntu wafye. Kibili Natontonkenye, ilyo Naiminine palya, 'Bushe uyu kuti aba shani Messiya? Icakufwala cimo icakale, ico Afwele ukutulafye mu bwaice Bwakwe, kibili pano neci cine cimo cine icakufwala; nomushishi Wakwe waleselela kunuma Yakwe. Kibili kwati untu wafye uwa mumusebo.'

⁵¹ "Kibili Andoleshe pacinso, noku tiila, 'Ilyo Philipo talakwita, lintu waciba pesamba lya cimuti, Nacikumona.' Ico capewishishe conse palwa ine. Nalishibe, ukupitila mu Cebo, ukutiila aali ni Messiya. Uyo uwali ni Ena."

⁵² Kibili nobwato nimbi bwali sunkene, kibili no musonkano wa bunte walitwalililepo. Oh, we nshita we isuma we iyo bena bakwete, palya pene pali bemba, ukukwatafyne inshita iikalamba.

⁵³ Andeleya atiile, "Ndefwaya ukulandapo icintu cimo ico icinsungwishe paka shita akanono. Mule ibukisha lintu twa-twa leya ku Yeliko? Ena atiile, 'Tufwile twaninako ukuya pamuulu; Ninkwata ukukabila kwakuya ku Samaliya.' Eico, Aninine ukuya ku Samalyia kulya ku musumba wa Sychar, lintu Atutumine ifwe bonse ukuya mukushita ifyakulya mulya mu musumba."

⁵⁴ "Oh, ee, Ndeibukisha ico, ukuba!" Bena bonse, "Ee, ee!" Ubwato bwale sunkanyafye bonse, nokukwata ubunte ubusuma panuma yaku puputulwa nakupwa. Eico bena bakwete iyi imisonkano yabunte.

⁵⁵ Kibili atiile, "Ee, kibili iwe ibukisha twalishelela, kibili, kuca kusungusha cesu, twamwene Shikulu wesi alelanda kwiule lyaishibikwa. 'Uh-huh,' twatontonkenye, 'ukuti ico calibipile. Lolesheni pali Ena palya alelanda kuli uyu umwanakashi umwaice. Kibili acitweba tuye tufumepo, kibili Aali pano noyu

umwanakashi uwamisango iya bipa nabekala pano.' Ibukisheni, twaiminine kunuma yafimuti, tuleumfwa nakukulanshanya kwabo.

⁵⁶ "Kabili twaumfwile Ena alanda kuli ena, 'We mwanakashi, kabiye ulete umulume obe kabili ubwele kuno.'

⁵⁷ "Kabili twatile, 'Ukuba, limbi twalipangile icilubo, limbi umwanakashi aupilwefye icupo camu cani.'

⁵⁸ "Kabili amuloleshe Ena pa cinso, nokutiila, 'Mukwai, Nshakwata umulume uuli onse.'

⁵⁹ "Iwe ibukisheni ifyo imitima yesu yaumfwile? 'Messiya wesu umukalamba Uwo twashininkishamo, pano asangwa mubufi, natumu sanganisha, pantu Ena atiile, "kabiye ulete umulume obe," pantu kunuma alandile ukutiila takwata umulume. Nomba cabwelela pali Ena.' Ibukisheni ifyo ifwe bonse twamoneke aba sunguka, kabili twafililwe noku pema ifwe bonse?"

"Ee, Ndeibukisha ico."

⁶⁰ "Kabili nomba uleibukisha amashiwi yakonkelepo? Ena atiile, 'Walanda icine, pantu walikwete abaume basano, na umo untu uleikala pamo nankwe nomba te obe.' Oh, imwe muleibukisha ubunte kunuma ya fimuti? Owe!" Mwamona, imwe tekuti mu Mushinine. Ni Lesa. "Oh," Simoni atiile, "ukuti... ." Andeleya atiile, "Ico capwisha ico kuli ine."

⁶¹ Bartholomeo atiile, "Lolela, Ndefwaya ukulanda ubunte. Bushe kuti Nacita ico, mweba bwananyina?"

⁶² "Oh, ukuba, Ndesubila kuti wacita, natukwata inshita iikalamba. Talati ese nomba, twalapanga fye ukoba ko panono. Twalililenipo, Bartholomeo, ukupela ubunte."

⁶³ "Ukuba, icintu cimo icikalamba kuli ine, imwe ibukisheni nkashi yesu mulya mu Yeliko, uwitwa Rebekah?"

"Ee."

"Kabili umulume wakwe ewakwata umwakulila kulya."

"Uh-huh."

⁶⁴ "Kabili—kabili ena ni shimakwebo, ne shina lyakwe ni Zakeyo."

"Ee, ee, Nde mwibukisha ena bwino."

⁶⁵ "Imwe ibukisheni, ena aba—aba ni umo pali ba nkashi yesu. Acetekela pali Shikulu, kabili aba uwakutina ukutiila Zakeyo ena kuti alekafye capita ukwabula uku pokelela Yesu. Kabili, oh, Zakeyo aali ni cibusa umusuma kuli shimapopo kulya. Kabili eico ena alepepa ukutiila icintu cimo ci citike ukuti amenso yakwe yengesuka, kabili ukuti aishiba ukutiila uyu ni Shikulu, kabili ici Cebo ica shininkishiwa na Lesa, icalengwa ukuba umubili pakati kesu. Kabili twa eseshe ukumweba... . mwebe ena pafyo Yesu umwina Nazareti eshiba ifyankama

fyamu mutima, ukulangisha ukuti Ena ni Cebo, pantu i Cebo cilungulula ama tontonkanyo ya mu mutima.

⁶⁶ “‘Ifyabulamo amano,’ atiile, ‘Nacetekela muli shimapopo. Ifyo shimapopo alanda fisuma nganshi kuli ine.’ Pantu ena aba muli yonse imi—imitande yamu mu sumba, waba Kiwanisi nga fyonse ifintu fimbì, iwe nawishiba, eico ena... caali icintu icakosa kuli ena ukuti acumfwe. Eico Rebekah atwipwishe ifwe bonse ukupepa—ukupepa. Kibili inshita yonse twalefika pe sambililo lyakutila Aali ni kasesema, alelanda ukuti, ‘Fintu fyabulamo amano! Shimapopo atiila, “Aali ni Beelzebubu. Ena ni ciwa. Acita ico na maka ya ciwa. Kibili Ena aba uwafulungana amano. Ico efyo fye caba. Takwaba nangu cimo kuli cena.” Eico takwaba icintu icaba ngefyo muli buno bushiku; tatwalala atukwatapo ba kasesema mu myanda ya myaka. Nomba ni mu musango nshi ulya Muntu, uushawkwata nangu fye citupa cesenge, nimu musango nshi Enga belamo kasesema? Oh, tapali inshila Enga belamo icaba ngefyo!

⁶⁷ “Lelo, iwe nawishiba, Rebekah atwalilile ukwikatilila pli ico, umukashi wakwe, kibili nokulapepa. Kibili ubushiku bumo lintu Yesu aleisa mu musumba, ukuba, elyo twasangile ukuti, Rebekah atwebele ukuti Zakeyo alifumine nokuya ku—ku musebo, muku Mumona. Eico tacetekele ukutilia Aali ni kasesema, eico atiile, ‘Nalamulolesha fye bwino Ena,’ ifyo apele ubunte kuli ifwe pa ncende ya kulilapo bulya bushiku bumbi lintu twalelyea. Eico ena aninie pa muulu ku cimuti camu sikamo, kibili atiile, ‘Namewishiba, Nala ilufyanya fye palwandi pano pa muulu pakuti Ena tanjishibe. Ndi muntu umunono, nangu cibe shani, umwipi nganshi. Kibili teti Mumone Ena palya, mwi bumba, eico Nalanina pa muulu wa cimuti.’ Kibili aile fika pama mpanda yabili—yabili apo yakumanina, kibili palya pene epo aikele, pali yena.”

⁶⁸ Ilyo ni ncende fye iisuma iyakwikalapo kibili no kusambilila pali cena bwino. Apo epo inshila shibili shakumanina, iyobe neya kwa Lesa; amano yobe. Ico cintu cimo icisuma, apakutontonkani shisha nokupwisha conse.

⁶⁹ “Eico atiile, ‘Nawishiba, Ena afwile ukuba kasesema. Ena efyo afwile ukuba. Cena kuti cacitwa Ine ndi mucilubo. Eico nalakweba cinshi, Nala lolesha bwino paali Ena; kibili Tanjishibe. Eico Nalabula fye amabula yonse kibili nokuya yatinta yonse ngefi, ukuyashingulusha pali ine, kibili Nala ilufyanya palwandi eico Tamone nokumona nakalya. Kibili Nakulamu mona Ena lintu Alaisapita mupepi. Kibili nga cakuti Tamoneke kwati muntu uuli bwuno, Nala Mulanga ifyo amano yandi yaba, ukwikala pano muli ici icimuti.’ Eico aloleshe, kibili akwete ibula ilyo aali no kwimyako pa muulu kibili nokumona Ena lintu Alepita ukushinguluka icinshoko.

⁷⁰ “Kibili lintu Afikile pa cinshoko, aleya ale enda mu musebo, imwe namwisha, aleolesha ukufuma ku lubali lumo ukuya ku lunankwe, kibili nabasambi baletiila, ‘Iminineni lubali lumo. Munjeleleko.’ Kibili abantu pamo nabna babo abalwele ne fintu. ‘Munjeleleko, Shikulu nanaka nganshi; kulya ukulongana kukalamba kwa bushiku bwafumineko.’ Kibili, ukwabushi mucindikwa, ‘Lekeni mukwai mwiminineko lubali nokuleka Ena apite, ukuba, Aali munshila Yakwe iya kuya kulya ku musumba, kibili mukwai nga kuti mwaiminina lubali?’ Kibili Zakeyo aikele palya pa muulu mu cimuti, aleolesha pansi pali Ena.

⁷¹ “Kibili Yesu aishile ukulungatana palya pene mwi samba lya cimuti, aiminine, alolesha ku muulu nokutiila, ‘Zakeyo, ikila ukufuma ku cimuti uko. Nalaya ku ng’anda pamo nobe ileelo, ukulya naiwe icakulya ca cungulo bushiku.’ Ico capwile fyonse kuli ine. Aalishibe ukutiila aali kulya ku cimuti, kibili aali shibe ne shina lyakwe, ifyo lyali. Ico capwile cena. Uyo ni Messiya, kuli ine. Ee, mukwai. Pantu, twalishiba ukutila ni Messiya fye eka uwinda cita ico. Icine cine. Eico Aile ku ng’anda pamo naena, atiile, bulya bushiku ku cakulya ca cungulo bushiku. We nshita ikalamba we ifyo yaali! Ifwe tuleibukisha ico.”

⁷² Namwisha, cena caali ni muli ilya ine nshita, ilyo mitingi ya bunte yaletwalilapo. Namwisha, aba abasambi baali palya pali bemba, balepela ubunte, cena cifwile ukuba mukufita kwa bushiku kuncende imo, ku kapinda ka kulyo kulya, ukutiila Satana awfile aali ile ukunina ulupili nokulelesha pansi. Ena aloleshe muli ilya mitingi ya bunte, kibili asangile ukuti baile beka ukwabula Ena. Ilyo eyali inshita yakwe.

⁷³ Mwamona, Ndetontonkanya cilya icacitike cali fye mupepi nokubweke shape nakabili, uku ibweke shape cena palwa ciko. Bena baali, mukusansamuka kwa kupuputulwa, bena baile ukwabula Ena. Kibili Nincetekela ukuti ifyo fingi ifya citika kuli ifwe ileelo, ukutila, muli iyi nshita yaci mfulunganya, kibili panuma ya uku kupuputulwa ku kalamba uko tushininkishe. Kwena kwalipita mwi sonde lyonse. Icalo icili conse calikwata umulilo wakulwa uwakupuputula, kibili ubilima; ukulonga kukalamba ukwa bundapishi; abantu ukupokelela Mupashi wa Mushilo, mu makana amakumi ukutamushapo namakan. Kibili mukusansamuka kwa ico, kwati nibalya abasambi balepeela ubunte pafyo Ena acitiile, “kibili, oh, twamumwene Alecita *ici*, kibili Twalimumona acita *cilya*,” Nincetekela twaliya kwati nibena, ukwabula Ena.

⁷⁴ Twaliya ukusha inshita ishikalamba ishikulu isho-isho ukupuputula kwalangisha. Twaya ukusha nokukonka inshita shakupangilamo ulupiya ulwingi, ama chalichi, ukukula ifikulwa ifikalamba, ifikalamba ifyama millioni-ya-ma dollar ififulo, ama sukulu ayakalamba, imibombele yafya masambililo, kibili nokupanga ifilonganino ukukula. Kibili

nomba ukukwata ubutantiko bwa kubombela pamo, nefya kulwisha ukubombela pamo, ifyo efyo fye tulandapo ileelo. Kabili icintu icakubalilapo ico mufwile ukwishiba, Satana aali kumona pa butantiko bwa kulwisha ukubombela pamo, pabutantiko bukalamba ubwa filonganino fyesu, kibili paali ba “millioni ukucilapo,” nefyaba ngefyo, nga fintu bakwata.

⁷⁵ Kabili twaliya ukumusha ukwabula inshita-yakale iya ma mitingi ya mapepo kibili nokubatishiwa kwa Mupashi wa Mushilo ukubwela nakabili, mpaka umulilo wala aka akashiminishi. Iwe kuti wabilikisha, nokwesha ukuleta abantu ku cipailo, kibili bena kuti baendafye kwati bantu abaali mupepi nokufwa, icabipa ukwisa. Kabili nomba ukwipusha ba kapyunga ukwisa nokubapepelako, “Oh, mulandu nshi acinjipushisha?” Kabili bafika palya, kibili tekuti ubusange. Kabili balino kwiminina palya pama mineti ayanonofye, balolesha paali iwe, nokubwelelamu kibili nokwikal pa pipuna fyabo. Kuli ine, umulilo naushima! Icintu cimo nacicitika. Kutikeni! Ico tulekabila kupuputulwa, ukutiila ababembu, baloleshe kuli Kristu, balapile, babutukile ku cipailo pamo namaboko yabo ayaima mu muulu, balebilikisha ukubelelwa uluse, ne chalichi conse ukuba mucimbili mbili ca mulilo, pamo no bukata bwakwa Lesa.

⁷⁶ Ukusansamuka kwesu ukwa kutupela inshita yakupanga ifilonganino fyesu uku kula, twalikuula amasukulu ayakulu ukusambilisha ba Kapyunga besu, kibili noku batuma ukuya ukutali ukufuma kuli Lesa ukucila pafyo baali pa kutendeka. Lesa teshibikilwa ukupitila mu masambililo. Teshibikilwa ukupitila mu masambililo ya mipepele. Lesa eshibikilwa ukupitila muku cetekela. Iwe tekuti umulondolole Lesa. Aali cilapo pa kulondolola.

⁷⁷ Lolesheni paco cacita, ifwe ba Pentecosti fwe baali ba pentecosti. Abanakashi besu balaputulapo imishishi yabo, balapenta bakalaso. Abaume besu balasuminisha ico. Ba kapyunga besu balasuminisha ico. Balatina ukulandapo ifintu fimo palwa ico. I chalichi cili no kubatamfyा nga bena bacita ico. Oh, ngatatulekabila ukuwamya ing’anda, ukufuma pa muulu ku cintamba ukufika pe samba. Cena ca nsoni. Cena ca musebanya.

⁷⁸ Umuntu umo aishile kuli ine, tapapitile inshita iitali, nokutiila, “Munyina Branham, abantu baali kutemwa.” Lelo atiile, “Iwe lyonse ulabakalipila, ukukalipila abanakashi, palwa kukwata imishishi iipi nefyaba kwati ngefyo.”

Natiile, “Baibele yatiila ca musebanya kuli ena uku kwata ico.”

⁷⁹ Ena alasebanya umulume wakwe lintu acita ico. Kabili cena cishibili icapwililika ukuti iwe naufumako kuli Lesa. Ibukisha, mu mulandu wakwa Samson, imishishi iitali caali cishibili ca bwina Nazari ukuti aali fumineko kwi sonde, ukuya ku

Cebo cakwa Lesa. Kibili lintu waputulapo umushishi obe, mwe banakashi, mulakana ukuti tamuli icishibili ca bwina Nazari. Imwe mwaya ku Hollywood mucifulo caku bwelela kuli Baibele. Baibele Yatiila, “Lekeni babe abakukana beya.” Mwamona, cena ca nsoni, kibili naba kapyunga tabalandapo icili conse palwa ico.

⁸⁰ Uyu muntu atiile kuli ine, “Malandu nshi tawinga balalekela bena abanakashi beka?” Atiile, “Bena bakumona nga kasesema.”

Natile, “Nshatala nandapo ukuti Ndi kasesema.”

⁸¹ Atiile, “Bena bakumona ukuba ngefyo. Ulabafunda umusango wakupokelelamo ifya bupe fya bumupashi nefya kucita ifintu fimo. Ulekabila ukubafundisha ifintu ifi kalamba, ifintu ifyakulisha.”

⁸² Natile, “Bushe kuti Nabafundisha shani ifishibili ne filembo lintu bena tabalati beshibe ukusambilila ABC’s umusango wakwikalilamo bwino palwa ico? Ni munshila nshi uuli noku citilamo ico? Ee, kabiye ku cintu caku balilapo.”

⁸³ Cila mwaka, ulepita mu calo, kibili cena elyo cilebipilako inshita yonse. Kuliko cimo icilubene ku ncende kumo, cena tacili pamu ne Cebo. Emulandu wine ifwe tekuti tukwatile ukupuputulwa kwa kupya kwa mulilo. Tule kabilia inshita yaku wamya ing’anda. Lesa teti acite ico mpaka twabwela nakabili. Tulekabila inshita yaku wamya ing’anda.

⁸⁴ Kibili iwe we mwaume kuti waleka umukashi obe ukucita icintu caba kwati ngeco, ukufwala utuputula! Bena teba Methodisti, Baptisti. Abo niba Pentecosti, ico nacilungama, “imibele yabu lesa, Inkulo ya Chalichi ca Laodekeya, iya fulefule,” ba Pentecosti ukupitila mwi shina, epela ifyo fine. Pentecosti te shina, cena bwishibili ubwa lubatisho bwa Mupashi wa Mushilo, uko uku wamya abantu bwino. Emulandu wine ifwe tekuti tukwate ukulonga ku kalamba ukwa bundapishi ne fintu, kuliko icintu cimo icilubene kuncende imo. Ni Satana, atumwene ifwe tule esha uku . . .

⁸⁵ “Ukuba, ifwe nga twalandapo icili conse palwa ico, bena baali nku cinja bu membala bwabo.”

⁸⁶ Ibukisheni, tamufwile ukulapampansha abena Kristu. Abena Kristu baali kwata ifyakumwenako ifya maka. Baume na banakashi bakwa Lesa, abemininako Lesa, temulandu neco umuntu onse engalanda. Tamufwile ukula bapapatila kibili nokubebea ifintu ifisuma, nokubikako umusashi uusuma kibili noku balela ngo tunya. Bwena busanshi bwakaba, ifilimbwa fyakanishiwa, tafyawama nakalya, fyena tafyakatale ifitwaala nangu cimo.

⁸⁷ Cilenjibukisha kwati, ni . . . Yena nomba line ili nokuba inshita yakupanga ifinsa. Nacimona utuni utunono ileelo, kulya,

utuseba utunono tulesenda icani ukutwala mu finsa fyatuko. Tapaposeke inshita mpaka shena shili noku tampa ukupanga ifinsa, ukupanga amani yatuko ayanono ukuti yenga totwa. Namwishiba, icuni icinono kuti cawkwata icinsa camani, kabilii kuti caikala napali cilya icinsa camani, kabilii nokula yapisilibula ama pama mineti ayanono aya pitapo; ukubula utumakasa tunono nokula yapisilibula, nokwikala pali yena. Nomba, nga ayaleka amani yatalala, panuma yaku pokelela icikabilila, yena tekuti yatotwe. Kabilii kuti capupuka caimapo ukuya leta ifiyakulya kukanwa, nokubwelela pali twena nakabili.

⁸⁸ Kabilii namwishiba, ukuti nyina umukalamba, kuti aikala pali yalya amani, nokula yapisilibula panuma yama mineti yabili ukupitapo, kabilii teku...noku ipela bulilambo noku funga ukulya mpaka camoneka ukuba icilanda kabilii teti cifumepo pa cinsa. Lelo kano, nomba, ulya nyina icuni aba mukwampana pamo ne cuni cilume, yalya amani teti yatotwe. Te mulandu nefyo, winga yasunga, teti yatotekwe. Yena kuti yabafye mu cinsa nokubola.

⁸⁹ Kabilii nga cakutila kwatalile akubako inshita iyakuti ba Pentecosti bakumana Pamo, na Yesu Kristu; pantu tatulepokelelapo icintu nangu cimo lelo icinsa icausulamo amani yabola, ukukana ici Cetekelo, nokuya Mucisaka ca Filonganino, nokula cita cena ifintu ifikalamba, ukwikala na papa, nokulatiila “cena cabu mupashi.” Bwafyanshi ubuli ne sonde, imwe mwe bantu ba Pentecosti? Bushe tamwaishiba ukuti Baibele yalilanda ifyo fintu ukucitika? Kabilii tulapunda pantu ba Methodisti naba Baptisti baleingilamo, kabilii nomba nefintu fimbii ifi ngefyo. Bushe tamuleiluka ukuti lintu nacisungu uwalele aile mukushita Amafuta, iyo yine eyali ninshita iyo Shibwinga aishile? Kabilii tabashitile na Mafuta! Namwishiba, uku Sumbulwa kukesha mubumfisolo, kabilii nokusendwa, munshita shimo ishi, tamwakeshibe ico icikacitika. Kwena kukapita, kabilii mukasunguka pacika citika.

⁹⁰ Kwati Yohane aisile pe sonde. Kabilii batile kuli Ena, batiile, “Ukuba, Baibele yatiila, Eliya awfile abalilapo ukwisa.” Ena atiile, “Ena alisa kaale, kabilii tamwa cishibe ico.”

⁹¹ Eico efyo cili nokuba, ubushiku bumo, bena bakatiila, “Natontonkenye ici caali noku citika ilyo inshita ya Kupakaswa tabulafika. Natontonkenye uku Sumbulwa kwali noku citika.” Amashiwi yali nokubwekelapo, “Cena naci citika kale kabilii tamwacishiba cena.” Uh-huh. Ikaba ninshi inshita naipwa ukucila pafyo muletontonkanya. Oh, bukeni, mwe chalichi! Calinga nasha cilya; Nshisa pano kwi sambilisho Natontokenye ukwisa Tulamo nokwingishamo ico pakutila mwabika ico lubali.

⁹² Ibukisha, munyina, Satana alimona ubutantiko bukalamba, i chalichi cimo ukwesha ukucimfyia icinankwe, icilonganino

cimo ukwesha ukucimfyा icinankwe, ukufunya ukukana sambilila kabilo nokupela ukwesha ukupima amano, ukukwata kapima wa mano ukwesha umuntu ilyo talaya mu mulimo wabu minshoni. Pentecosti! Iyo, ico—ico—ico tacili niba Presbyterian, ico niba Pentecosti. Ukwesha kwakufulungana kula kabilwa kwi bumba limo ilyaba Pentecosti, ibumba likalamba, ilyo ba minshoni tabalaya mwibala.

⁹³ Nga cakutila balikwete ukweshiwa kwati ngefyo? Bakwete ukweshiwa. Kwena kwesha kwaba pentecosti muku tendeka, lintu balolole mu muputule wapa muulu mpaka kwaishile u Mulilo ukufuma mu Muulu, kabilo na Maka yakwa Lesa. Ico caali kweshiwa.

⁹⁴ Te ba mwisonde bambo, abakolwa panono bakapima wa mano abeminina palya ukwesha ukwishesha amano, nga cakuti iwe uuli uwasamwa panono, nangu icintu cimo, ukutiila, “Imwe bonse tamwishesha.” Lintu, cena mukupwililika cileshininkisha ukuti umuntu uyo uuli uwawililika mufya bu mupashi alaba uwa mwenso, afwile aba muli iyo mibebe pakwingila muli Cena. Eico mwaishiba, mwamona, kabilo kufilufyanya ifyo Lesa aesha ukucita pamayaka, kabilo nokubwela pamo nobutantiko bwabo nefikalamba fyabo...

⁹⁵ Balaba abansansa lintu bamona abantu abengi naba longana capamo. Tutiile, “Nga cakuti Napanga bonse ukuba ba Assemblies! Kuti Napanga bonse ba Oneness! Nga cakuti Napanga bonse ba Methodisti!” Ba Methodisti balesha bonse ukupanga bonse ba Methodisti, ba Baptists kuti baesha ukupanga bonse ba Baptists, ba Pentecosti bonse ba Pentecosti! Oh, teti ucitepo icintu nangu cimo palwa ico, Lesa alashikila libela ifyo ilyo umufula we sonde taula bako. Tufwile ukushimikila i Mbila nsuma. Epelafye. Lelo ubutantiko bwesu ubukalamba, twalifumako ukwabula ulya Mulilo. Twalifumako nokupanga palwesu umulilo uwakuipangila kumwensu, nga fintu caali.

⁹⁶ Kibili nokubombela pamo kwesu, nomba tuli abatina, ukubombela pamo kwallingilamo, “Kanshi cinshi cili noku citika?” Lelo, imwe namwishesha, icintu cikalamba tekubombela pamo. Lekeni imwebe nomba, Nshiletina ukubombela pamo.

⁹⁷ Lelo eco Ndetina, imwe ba Pentecosti, nici Icisaka ca Filonganino cili noku mubula. Ico ecintu. Cili nokupanga ululembo lwa cismango, kabilo naimwe muli nokwingila muli cena. Pantu muli kabungwe, mufwile mwaingilamo nangu ukufuma. Ico ecintu, kabilo umuntu onse umusuma, uwamano, uwa bumupashi naishiba ico. Tulekabilo umbi pabunte bwa pali bembu, tufwile twasanga ico nomba. Kibili ba Pentecosti besu, baleminafye ico, ukukobwa, ukulobwa nokwibila, “Wecintu we icikalamba ico cikaba!” Lintu, ba Methodisti, Presbyterian, Lutherani, church of Christ, naba Pentecosti, imwe muli

nokukana—ukukana isambililo lyenu ilikalamba ilya butumwa, pakuba mulya. Bali nokucita cimo cine. Imwe tamwaka kwate nangu cimo icakucita muli cena. Fyonse fyaikatana pamo na Rome, ico cilifye bwino bwino pacá shininkishiwa. Amalembo efyo Yasosa ifyo.

⁹⁸ Bwafya nshi nuli naimwe baka shimikila mwebalenga ifi fintu ukwingilamo muli iyi mibele, ukwabula ukusoka abantu? Lesa akafwaya kumaboko yabo. Muli iyi yine inshita yabwafya, bali mubwafya, balimo. Ukubombela pamo kuleingilamo; cena Cisaka ca Filonganino ecili nokumina ibumba lyonse. Kabilo ibukisheni luntu mwatiila, “Tacili...” Cena kucitika, nomba ninshi inshita naipwa. Imwe mwalisenda ululembo lwa ciswango. Imwe muli bamuli lwena nomba.

⁹⁹ Cawama mwaba epo mufwile ukuba nokufumako kuli lwena nomba, ee, mukwai, nokuba aba kakatikwa mu Bufumu bwakwa Lesa. U Mubili wakwa Kristu e Mubili uushifwa uwakwa Kristu, uubatishiwa muli Wena na Mupashi wa Mushilo; teku yampanyako muli Wena, kwingila muli Wena, ukulanda muli Wena, ukulandila mundimi muli Wena, ukubilikisha muli Wena. Imwe mufyalwa muli Wena na Mupashi wa Mushilo. Ico nacilungama. Icine cine.

¹⁰⁰ Nomba tulemona ifi fintu, ubwafya bwaisa pamuku umo. Oh, ciwa aloleshe pali ifyo nokutiila, “Uh-huh, nabafuma munshila, balifye kulya baletolauka pamuulu nepe samba, balebilikisha, nabakwata inshita iikalamba. Namwishiba, ino ine enshita yandi iyakubonaula. Nalabekata nomba line.”

¹⁰¹ Eico aninine palupili nokutampa ukuposa umupu wakwe uwa sumu, whew: “Inshita yafisungusho yalipita. Nangu cibe ifyo, Nincetekela aba bantu balifye aba mwenso. Ndetontonkanya bafwile bakwata u—u—ukweshiwa kwama tontonkanyo ilyo tabalaya mukubomba muncende shamu tali.” Pentecosti! Uh-huh. Moneni sumu yamupu wakwe ileipaya i Cebo, “Oh, Ndetontonkanya Cena cintu cimbi, Ni—Ni nincetekela ico...” Mwamona, ukuyafye mukulungatana ukubwelelamo kwati filonganino fimbì ifyashala fyacitile, ico cili bwino bwino fye emusebo bale endamo. Bena baali, cena cileipaya ico. Inshita ilya ine mwacampanya pamo, yena ileipaya ico. Lyonse ifyo cicita. Kibili ifyo cili nokucita. Cena tacakatale acima nakabili. Cena tacatala acishibikwa mulyashi lyakale. Muli—muli ino Nkulo Chalichi ca Laodekeya, Kristu aba kunse ya chalichi, alekonkosha, ukwesha ukwingila mukati. Kibili bena teti bashipikishe ukwiminina kuli Cena. Teti bakutike kuli Cena. Nomba tulesanga, inshita iyo tuleikalilamo, ubwafya nabwingilamo.

¹⁰² Kibili nomba twatampa ukusanga ukuti, ifisungusho tafilecitika nakabili, kwati fintu fyalectitika. Abalwele babwelelamo kuma yanda abalwele. Tacili pamulandu wakwa

Lesa. Nipamulandu wakubulisha uku puputulwa pakati ka bantu. Tapali uku puputulwa. Bekala—bekala nokumfwa; babwelela ku ng'anda, batiila, “Ukuba, Ndeingililamo cilya caciba icintu icisuma nganshi. Uh-huh.” Mwamona, tamuli kulya ukupimpa. Tamuli cilya icintu mabantu icifwile ukubamo mulya.

¹⁰³ Ndeibukisha imyaka ikumi na isano iyapitapo, muno mu Arkansas, ilyo Nakwete umusonkano uunono kulya ku Jonesboro, lintu abali amakana yane abantu ukwisa kuli iyi, ukwisa ku mitini mu musumba uwa mupepi wabantu iyamakana ikumi naisano. Kibili balele pesamba yafi motoka fyasendele ubutonge nafimbi ifintu, nabawkata namapepala pa bana babo abalwele, pakutifye bengengila mukati. Baikelle mufipuna fyabo kibili tabalefuma, akasuma no bushiku, kibili abatemwikwa babo baleya mukubaletela amukate wabikwamo tumo kibili ne—ne botolo lya pop; nokwikala palya akasuba katula kibili kawa, akasuba katula nakabili kawa. Imitima yabo yale aka, umulilo. Icintu icakushalikishafye ico Lesa acitile, cena cababikile pamulilo. Kibili nemyanda yabo yaishile ingila.

¹⁰⁴ Ena aba ni Lesa umo wine, munshita yabushiku, nga fintu Aali imyaka ikumi naisano iyapitapo. Ena ni Lesa umo wine, muno bushiku, ifyo Aali lintu Apangile imyuulu napano isonde.

¹⁰⁵ Lelo cintu nshi ico? Tuli bonse abansansa nokufwaya ukukuula utubungwe twesu, ukufwaya ukukuula *ifi*, noku kula *ifi*, nokupanga icintu cimo icikalamba kibili ica bengeshima, uku pashanya pamo na Joneses, pamo naba Methodisti, pamo naba Baptisti, pamo naba Presbyteriani. Imwe tamwalingana nabo. Iyo, imwe tamwa ifyo. Bena bantu bamufigonganino, ico icili icalungama, takuli neca kubalwisha bena. Kwaliba abengi abena Kristu abasuma pa kati kabo, lelo teti ufwaye ukwampana wemwine muli yalya amabumba aya ba shacetekela. “Abantu balya abakana Amaka ayabapo,” taufwile wabula ulubali pamo nabena.

¹⁰⁶ Namewishiba, ubwafya bwaico buli, imwe muleesha ukuleta imibebe ya Hollywood mu chalichi. Icintu ico mufwile ukucita kwesha ukufumya imibebe ya Hollywood mu chalichi. Mwamona? Mule esha ukupanga icikulwa cenu ica yemba, mule esha ukupanga icilonganino cenu icikalamba nganshi, mpaka cena cili noku cebula ubwiminishi bwa bantu. Ifwe tekuti tuye kulubali lwabo. Tufwile twabaleta kulubali lwesu. Ifintu fyonse ifya bengeshima, ibukisheni, Hollywood ilabengeshima pamo ne sonde, libe i Mbila nsuma ilaka mukuicefy. Palibapo ubupusano ubukalamba pakati kaku bengeshima nokwaka. I Mbila nsuma ilaka mukuicefy, namu bufuke, namu kuicefy, na mumaka. Libe, Hollywood ilabengeshima, no muttu onse ukubilikisha kibili noku pundisha uku kalamba, nokula konka ico cine. Mwamona? Tatulekabila ico.

¹⁰⁷ Tulefwaya ukwikala nga lulya u Lubuuto. Atiile, “Imwe muli mucele uwa pesonde.” “Nga cakuti umucele walusa ukulowa kwauko,” ico emaka yauko mu Mbila nsumma. Tufwile ukukwata icintu cimo icakwenda mama chalichi yesu, icakuti ba Methodisti, ba Baptisti, ba Presbyteriani, na bonse pamo, kuti bafwaya ukwisa. Tufwile ukuba aba umucele uwine wine! Umucele ulapela icilaka, ulapanga icilaka. Umucele ekulowa, nga cakuti walyapo. Ufwile wabwekelapo.

¹⁰⁸ Kibili tulesanga ukuti, ubukali bwesu ubukalamba tufwile ukwesha ukupashanya pamo naba Methodisti kibili naba Baptisti, abakwata ifikulwa ifikalamba ne ncende ishikalamba, na bantu abasambilila bwino, nama sukulu ayakalamba kibili nama college yakalamba, nefintu fyonse kwati ngefyo. Twalifumako kubukali ubukalamba, kibili napano ubwafya bwalingilamo.

¹⁰⁹ Kibili amatontonkanyo ya bumupashi yalalolesha konse konse nokutiila, “Pano, loleleniko panono pano, bushe ifwe bonse tuli nokuba Mucisaka ca Filonganino? Bushe ibuumba lyesu lyonse lili nokuya muli cena?” Icine cine, muli nokuya. Ico cili icalungama bwino. Loleni nokumona nga cakuti tamwaka cite. Baibebe Yatiila muli noku cita, bwino bwino, na Kristu aali nokuba kunse. Umweshi walifita palwauko kucinso cakwa papa (uwakubalilapo uwaile ku Rome), ubushiku ubwfumineko, ukumilangisha icishibilo mu myuulu. Ico icishasobelwe, cena calicita ico. Ifyo Shikulu alecita ifintu muli buno bushiku, cakusungusha!

¹¹⁰ Nomba muli iyi inshita iyikalamba iya mfimfi, ilyo bena bali kulya, imyela yaimine. Isubilo lyonse ilyakupusuka lyalifuminepo. Nomba cinshi ico muli nokucita nga cakutila icilonganino cenu caya Mucisaka ca Filonganino? Cinshi icili nokucitika nomba pafintu fyesu ifikalamba ifyo twakuula pano pe sonde, isubilo lyaku shalikisha naliya?

¹¹¹ Lelo namwishiba, ilyo bali mupepi nokupunda, nesubilo lyonse naliya, bena teti bapusuke; pakashitafye akanono, bamumwene Ena aisa, ale enda pa menshi. Munshita yamfimfi, Aishile, ale enda ukwingilamo.

¹¹² Namwishiba ica citike? Lintu Abashile bena, Balishibe ukutila ico cali noku citika, eico Aninine palupili ulwalepesha ulwali mu calo. Nga waya pamuulu apatali, elyo wingamona. Kibili Aninine pamuulu pakuti Enga bamona bena, namwishiba.

¹¹³ Kibili Alishibe ukuti ici cali nokwisa. Asobele ubu bushiku ukuba pano. “Nga fintu caali munshiku sha Sodomu, eico efyo cikaba napakwisa kwa Mwana wa muntu, lintu u Mwana wa muntu alesokololwa.” Nomba, u Mwana afwile asokololwa. Iyi nkulo iibifi kibili iyabucende ikafwaya icishibilo. Ili nokukwata icishibilo. Yena ili nokukana ico nga fintu bacitile lilya, lelo

cikaba icishibili cakusumbulwa. Ena acili nomweo, ukucita nga fintu Acitile.

¹¹⁴ Tulesanga ukuti, muli iyi nshita iikalamba, balya abasambi bali mubucushi, Aninine pamuulu pakuti Enga bamona bena. Aikele palya palupili, alebamona.,

¹¹⁵ Kibili nomba Taninine palupili iyi nshita, lelo Aninine ukufuma kunshishi, nokunina ukupita mu mwela, ukucila pa mweshi, intanda, mpaka Aninine ukuya pamuulu nganshi mpaka Aloleshe panshi ukumona u Muulu. Kibili Aikele palya, Apasansuka. Nomba amenso Yakwe yali paluseba, kibili Ninjishiba Ena aletumona ifwe. Ena nikamona.

¹¹⁶ Kibili pano pene muli iyi nshita iya mfimfi, lintu ama chalichi yonse nayaya mubantiko ubukalamba, kibili nabawkata *ubu* ubutantiko na *bulya*, fyonse ifyabikwa nga ama chalichi yambi ayashala, ifilonganino. Kibili cinshi icacitika? Munshita ya mfimfi, lintu abantu abaisushiwa no mupashi wine wine balesunguka, “Bushe cinshi cili nokucitika? Lolesheni pabana bandi!” Umwaume atiila, “Lolesheni pamukashi wandi! Lolesheni pali *ici!*”

¹¹⁷ Kibili baleka uku kumana kwesa ukwapa Mulungu, nangu pali Citatu, ukwangufyanya, pakutiila bengaya nokutamba *Twali Temwa Sucy*, nangu icintu icaba kwati ngeco, paci tunshi tunshi. “Abatemwa isonde, ukucila ukutemwa Lesa.” Ukulapashanya kwati nibena.

¹¹⁸ Naebele namayo ubushiku bumbi, alifwele ifyaikata saana kumubili. Natile, “Nkashi, iyo indelesi naikatisha. Limbi teti cumfwike icisuma kuli ine ukukweba ico, lelo naikatisha. Iwe uuli mwina Kristu, kibili walapanga icakuipununako.”

¹¹⁹ Atiile, “Ukuba, Munyina Branham, namwisha eco?” Alandile ukuti, “Uyu wine emusango untu bapangilamo.”

¹²⁰ Natile, “Bena bacili baleshitisha ifipe, kibili balikwata nama mashini yakubililako. Tapali icakufisamamo.” Ee.

¹²¹ Kutika, leka nkwebe icintu cimo, we cibusa wandi uwatemwikwa. Tekukupata. Iyo, mukwai. Nde esha uku kufumya muca kulungulusha. Apo uyo mupashi uuli muli iwe, iwe kuti wacicita. Ico nacilungama. Ufwile wafyalwa ukufuma muli ico. Nomba kuti waimona we mwine kuli ico icakulanda, lelo leka inkwebe icintu cimo, mwamona, “Ukuli umutima obe, ekuli ifyuma fyobe pamo.”

¹²² Leka inkwebe. Iwe limbi kuti waba uwapwililika nge tunda kumulume obe, kibili kuti waba uwapwililika nge tunda, wemu kashanya munono, kuli cibusa obe umulumendo, lelo ubushiku bumlo Lesa aali nokuleka iwe ukwasukilapo pakucita ubucende. Iwe uuli nomulandu pakufwala ngefyo. Yesu atiile, “Onse uwalolesha pamwanakashi nokumukumbwa, nacita nankwe ubucende kale mu mutima wakwe.” Kibili lintu ulya muntu

aali nokwasuka, ulya mubembu, pakulolesha pali iwe, paku cita ubucende, uyo uwapele ico kuli ena? Tontonkanya pali ico. Iwe wemwanakashi Pentecosti, ninsoni pali iwe! Mwamona? Ninsoni pali iwe!

¹²³ Nalikutemwa, uyowine emulandu Ndelandila ico. Ukutemwa kula lungamika.

¹²⁴ Ifwe tuli pabukali ubukalamba, ubukali ubukalamba ubwamifwalile. Cili kwati, kabi kwati ni fashoni iya mwisonde. Ena atiile, "Witemwa isonde, nangu ifintu fya mwisonde; nga wacita ifyo, ukutemwa kwakwa Lesa takwaba namuli iwe," Nshile sakamana umusango ulandilamo mundimi, ukutolauka pamulu napesamba, ukushana, ukuputula imishishi, ukufwala indeleshi kwati ngefyo. Naiwe we mwaume wasuminisha ico. Ifisabo fyobe efilekweba apo uuli. Ico nacilungama bwino. Emulandu tubelele mucimfulunganya ico tulimo, namu myela yakubombela pamo, imyela yama chalichi, imyela yacisaka catubungwe!

¹²⁵ Yena ni—yena ninshita yakwampa, inshita iyakuba pamo. Aba tubungwe bale ampanya ababomfi, nokula bepa palwa ico. Ifyalo fyalikwata ba—ba United Nations, bale ikatana capamo. Ama chalichi yaleikatana capamo. Cinshi ico cena cilelangisha? Cena cilelangisha ukuti Kristu na Nabwinga balecita ukwampa. Ico eco cilelandapo. Fyonse ifi ifinshingwa ifya fintu filelangisha ukwisa uku tuntulu. Moneni nomba lintu tuleisalila, pantu Naposa inshita.

¹²⁶ Kibili moneni, muli ilya nshita ikalamba lintu isubilo lyapwile, ilya kupusuka, bamwene u Muntu umo aisa, ale enda pamenshi, ale enda pamuulu. Kibili necintu, icipandwa cabulanda, umfwikisheni bwino, icintu fye cimo icabafwilishe, ico baletina. Bena batiile, "Cilemoneka ica mupashi. Limbi kuti caba, iwe walishiba, umupashi."

¹²⁷ Ico nga cakutila tacilati cicitike nakabili! Bena baletina Ico. Bena baletina ifyakusobela, bena baletina icamusango wamaka yaciwa; lintu Yesu atiile Cili noku citika muli buno ubushiku. Icintu fye cimo icinga bafwa ni Yesu Kristu. Te cilonganino cimbi, tebena bonse ukuyampanya pamo; ico cili noku cilenga ukubipilako ukucila pafyo caali. Icintu fye cimo icinga kwafwa ni Yesu Kristu.

¹²⁸ Kibili lintu Alaile ukubwela munshiku shakulekelesha, muli iyi imibele, nokucita ici, ukulaya (kwatifye lintu ubulayo bwa mwana tabulacitwa kuli Abrahamu, ulubuto lwakubalilapo) ulwa bufumu ulwakwa Abrahamu, Yesu aali...atiile ali nokucita icintu cimo cine. Ilyo u Mwana wabulayo talamoneka, Lesa kuti Ailangisha Umwine palwakwe mu mubili kibili nokucita bwino bwino kwati fintu Yesu acitile, kwati fintu Ena Aalandile ali nokucita, kwati fintu alandile ukuti aali nokucita munshiku shakulekelesha. Kibili pano bonse bulya ubulayo,

ubo twingabikafye ena, ukupitila mumo dozeni, pano pene kuli imwe, ukuti ici cifwile cacinika.

¹²⁹ Kibili ama chalichi, ayo ayafwile ukwisula amaboko, kukupokelela Cena, "Ndi uwatina apanono palwa Ico. Cena tecamwibumba cesu, mwamona." Kibili bena baletina Ico. Icintu fye cimo icingabaleta bena ukwisa kuli Kristu, ni Kristu Palwakwe, kibili bena baletina ukuti Cena cakutinya. "Oh, Nshishibe. Ico cifwile ukuba icabamo umupashi, imwe mwamona. Kibili Nshishibe palwa Ico." Ukutina icintu fye cimo ico icinga bafwilisha.

¹³⁰ Kibili muli ilya inshita iyafita iyakucula, cilya i chalichi casalwa, lilya ibumba ilikele kulya, ukutina ukuti limbi kuti caba iciwa, bena tabakwete icintu nangu cimo icakucita neco. Nomba elyo kwaishile lilya i Shiwi ilisuma ilyatiile, "Mwitina. Ni Ne."

¹³¹ Ena ni Cebo, bushe Taba ifyo? Ena tacinja, ukuba i Cebo. Nomba bushe teti mumfwe i Cebo cilelanda, munshita ino iyabushiku, "Ena aba cimo cine mailo, ileelo, no muyayaya. Mwitina; ni Ne"?

Natukontamike imitwe yesu.

¹³² Taata mweba mu Myuulu, mu—muno cungulo bushiku nakukaba. Inshita nashifta, icakuti ulya Mulilo naufumako kucipailo. Muleya mulelonganya pamo mwibala monse. Mwatiile, "U Bufumu bwaba kwati ni ulya umuntu uwabulile isumbu nokuya kuli bemba, nokuliposa muli bemba, kibili lintu ali tintile kunse. U Bufumu bwali ngefyo." Shikulu Lesa, ubushiku bumo lilya isabi iyakushalikisha lilya ilili mu menshi! Mwatiile, "Nabepaya imisango yonse." Lilya isumbu ilya Mbila nsuma lyena likata imisango yonse; lilekata ba fulwe, crawfish, batanda bube, insoka, isabi lilya ifiko. Ifwe tatwishibe ifyo likata, lelo mwalimo isabi mulya ilyo Mwalefwaya. Imwe nimwe Umo Kapungula. Lelo twailuka, bwangu bwangu ba fulwe, crawfish, nalyonse, lilabwekelamo mu bwendo bwamatipa nakabili, ukubwelelamo mu menshi. Lelo ubushiku bumo lilya isabi lyaku shalikisha ilyo ilya lashikwa, ilya mwenwa kalibela ukwisa, ico icilundwa ica Mubili ica kushalikisha, cika tintwa ukufuma muli bemba.

¹³³ Mwaposele isumbu mu nshiku shakwa Luther, na Wesley, Alexander Campbell, John Smith, Calvin, Knox, Finney, Sankey, nabambi po; munkulo ya Pentecosti, mu nshiku shakwa F.F. Bosworth, na Frochman, balya abantu bakalamba. Mwaposele amasumbu, mu nshiku shakwa Billy Sunday, ukuya ukupita mu nkulo.

¹³⁴ Kibili nomba Imwe mucili mulewamya ukupita muli bemba. Bushe kuliko umo pali bena uwikele muno mu nshita ino iyabushiku, Shikulu? Nga cakuti cili ifyo, lekeni bena babe kwati ni ulya umwanakashi umunono pa cishima. Nangu fye mu mibebe

ya bu cilende, ena alishibe ukuti Wena aali ni Messiya. Ena amwene cilya icishibili. Ico efyo caali. Atiile, "Nailuka Iwe niwe kasesema." Ena takwete amano ayakuti afwile ukuba Messiya. Atiile, "Tulolela ulya Messiya," mu mashiwi yambi. "Twalishiba ukuti lintu Messiya akesa, Ena aali nokutweba ifi fintu." Kabili Iwe watilla, "Nine Ena." Ico efyo caali.

¹³⁵ Nomba, munshita ino iyabushiku, Shikulu, lekeni bamone ukuti, "Nine Wine; mwiba no mwenso. Bwena ebulayo Bwandi." Ukundapa abalwele, Shikulu, ukupususha abaluba, ukwisusha abashawkata.

¹³⁶ Lekeni tufume mu nshita ino iyabushiku, nokulanda mukati ka mitima yesu, ilyo tuleya, kwati nga balya abafumine ku Emmausi, "Bushe imitima yesu tayacibilima mukati kesu ilyo Acila pyunga kuti ifwe mu nshita yabushiku mu cikulwa, Mukubapo Kwakwe ukwa Maka!" Ilyo baishibe ukuti ni Mwe, ba Mitile mukati kabili na meno yabo yaiswike. Lekeni umuntu onse pakati kesu, mu nshita ino iyabushiku, Amingishe mukati. Nga cakuti tatukutulwike Ico, lekeni tu mingishe Imwe mukati, nangu cibe ifyo. Uyo wine emusango umo Imwe mwinga isokolwelamo Mwebene beka.

¹³⁷ Kabili twamona umusango Imwe mwaisokolwelemo Mwebene mweka panuma kubuka Kwenu, Mwacitile icintu cimo mu musango umo wine Mwacitilemo ilyo ukutanikwa Kwenu takulacitwa. Nomba iseni mu nshita ino iyabushiku, Shikulu, Imwe mwatiile Mwaba "cimo cine mwailo, ileelo, no muyayaya." Citeni nakabili, kuli ifwe, kwati fintu Mwacitile mu nshiku shintu Mwaiminine pano mu mubili, pe sonde. Twalaya ku ng'anda, aba anguka imitima, kwati nibalya. Mwi Shina lwakwa Yesu tapepa. Ameni.

¹³⁸ Nomba mukulongana, munshita ino iyabushiku, Ninjishiba nakukaba bubi bubi, kabili natukwata ba mineti amakumi yabili ukufuma pa nshita yabikwa. [Pali tepu tapali amashiwi—Kale.] Ine...

¹³⁹ Teti ndeke nangu ukucilinganya ifintu fintu Incita. Ine kwaliba Icintu cimo icinsuka, Naba ifyo fine lyonse, mu mweo wandi onse, kabili Cena lyonse caba icalungama. Cena tacanjebapo icintu cimbi kano ico icaba muli Baibele. Tekuti incileshe cena. Tekuti incitepo nangu cimo palwa ico. Cena ecicitafye ico, nangu cibe ifyo. Kabili Ninshininkisha, nga cakuti Naba uwananakila, kuliko umuntu umo uulekabilo ico. Kabili Imfwile ukuba uwacishinka. Kabili pali bulya Bushiku, Ndefwaya ukuba, kwati fintu umukalamba Paulo Washila alandile, "Umulopa wa mutu onse taufwile ukuba pama boko yandi." Huh-uh. Nde—Nde fwaya ukumweba Icine. Tefintu Ndi... Nalimitemwa imwe.

¹⁴⁰ Kabili nga cakuti wacikwata umulumendo munono... Nomba tontonkanya pali ico, namayo, iwe weo Nacila

kalipila akashita akanono aka pitapo, imwe bakanshi mwebali nemishishi iya putulwapo nefintu. Nga Ine... Nga wacikwata umulumendo naiala palya pa musebo, kabilo watiila, "Munono, wemu temwikwa, cawama waisa ingila mukati wemu temwikwa. Cena limbi kuti caba, Nshishibe, bena limbi kuti baisa muku kushinguluka." Imwe tamwatemwa umwaice. Ico nacilungama. Imwe kuti mafuma palya nokumufunda impapa, nangu ukumuleka aisa ingila mukati. Ico nacilungama. Imwe mwali mutemwa.

¹⁴¹ Uyo emusango i Mbila nsuma yabelamo. Lesa alimitemwa. "Kibili bonse abo Atemwa alabebaula, Ala bakalipila, ala onse umwana uwisa kuli Ena." Nga cauti wakana ukwebaulwa, wafumapo waya kibili wakalipa palwa ico, ninshi imwe muli mwana wamu cani, tamuli bana bakwa Lesa. Eico ibukishenifye, yena Malembo.

¹⁴² Nomba ishiwi limo ukufumafye kuli Ena, ishiwi limo, kuti lyapilibula ukucilapo pafyo Ningalandia, millini umo munshita yabwikashi. Cena ni Ena. Twalishiba ubulayo Bwakwe. Twalishiba ico Alaile ukucita. Nomba Nshishibe nga cakuti... acitile... ifwe twala...

¹⁴³ Bushe alipele ifitupa nakabili? Bushe namupela ifitupa ileelo? Caciba cinshi? ba J, nacilungama. Nacilungama, ukusunga inshita, lekeni tutampilefyne ukufuma pa nambala ya cimo. Nomba, limbi bali monse monse muci kulwa. ba J, inambala ya cimo.

¹⁴⁴ Kibili nomba natukwata intamfu. Twacitampila ukufuma, panshita imo, ukufuma pali *iyi* inambala ya cimo, mukuya kwanshita, kwaciba ukulaya kunuma naku ntanshi, noku shinguluka, lelo twacibalenga paba intamfu pano. Lelo abantu bonse abesa cila bushiku, nabawkwata insambu ishakwisa iigila mumulongo. Ico tacilepilibula ukuti iwe uuli pano...

¹⁴⁵ Nibanga abeshibe muli kuno kulongana, ukuti ciliko mupepi noku tamushapo nafibili abantu abondepwé mwi bumba, abo abondepwé pano? Icine cine, namwishiba ico. Mwamona, icitunga caku pepelwapo cabafye cakuleta abantu pano, ukupokelela Mupashi wa Mushilo pakati kabo, eico imwe mwalibelesha ukucita ico. Tatulefwaya nokukwata ico pali nomba. Kuti twafumyapo ifitupa fyakupepelwapo.

¹⁴⁶ Pamo ngefyo twacitile ubushiku bwafumineko tatwakwete ifitupa fyaku pepelapo. Mupashi wa Mushilo aliya pakati ka bantu bonse abo abashakwete ifitupa fyaku pepelwapo. Kibili Nalimona ifintu ifingi Nshalandilepo ifintu nangu fimo palwa ifyo, pantu Nshaishibe nga cakuti cena cali ifyo nangu iyo. Cena caali califye nimfifi iyaikatilile pali bena, kibili Ine nacilekelefye cena ukuba. Nshaishibe. Nga tacaba citile icisuma ukubeta. Conse ico Alanda caba icalungama, eico kutikeni kuco Alelanda.

¹⁴⁷ Nomba bushe mwacilanda ukuti ico caciba ni J? J, inambala ya cimo? ba j, inambala ya cimo. Ninani uukwete icitupa cakupepelwapo? Imyako ukuboko kobe. Iwe ufwire ulufyenye, we mwana; cifwile ukuba fimo... Oh, Njeeleniko. Oh, ukubwelelako kunuma nakabili. Isa kuno, namayo. Bena—bena elo baleta ifi ifitupa fyakupepelwapo nomba, umulumendo, Munyina Borders nangu Billy, umo, inshita shimo shimo bonse babili, balasakanya ifitupa fyakupepelwapo pacinso cobe, kabili nokupela iwe icitupa cobe, naconse ico ulefwaya. Tatwishiibe, bena balifye... *Uyu* umo limbi kuti apoka inambala yabusano, kabili *ulya* umo apoka inambala ya cine lubali, *uyu* umo apoka inambala ya fifitini, *naulya* umo nainte faifi, kabili tatwishiiba. Kabili nomba, nakabili, lintu Naisa, Ine fye, conse icili pamutima wandi, Napunda ukufuma palya, temulandu napo cifikile. Ine fye... Nga Nalanda... Inshita shimo Ndapenda nibanga baali mu mulongo, elyo na akanyapo na umo muli uyu umulongo noku kwata ubwasuko. Mwamona? Kabili nomba, nga Nshicitile ifyo, mulandu nshi, Ine fye... conse icaisa mu mano yandi mukabalilapo, Eco mpunda.

¹⁴⁸ Inambala ya cimo. muli ba J, inambala yacibili. Inambala ya cibili, inambala ya citatu, inambala ya ciine, inambala ya fisano, inambala ya mutanda, inambala ya cine lubali, inambala ya cine konse konse, inambala ya pabula, inambala yekumi, lekeni bonse bese, mwamona. Imo, fibili, fitatu, fiine, fisano, mutanda, cine lubali, cine konse konse, pabula, ikumi. Ico naciwama. Uyo emusango, caisa bwino... Lolela, umo aciya kulubali lumbi. Naciba... Imo, fibili, fitatu, fine, fisano, mutanda, cine lubali, cine konse konse, pabula. Ico nacilungama. Nomba, pano, efyo cena caba, ikumi. Nacilungama.

¹⁴⁹ Ikumi na cimo, ikumi na fibili, ikumi na fitatu, ikumi na fiine, ikumi na fisano. Ico caba nafimbi fisano. Cimo, fibili, fitatu, fiine, fisano. Cisuma, ico cisuma.

¹⁵⁰ Ikumi na mutanda, ikumi na cine lubali, ikumi na cine konse konse, ikumi na pabula, amakumi yabili. Cimo, fibili, fitatu, fine. Ndemonapofye fine. Amakumi yabili, bushe uwamakumi yabili acasuka? Cisuma. Nomba tatulefwaya abengi ukwiminina pa nshita imo. Nomba nga twapwisha naba, kabili kuli inshita iyalinga, twalabula nayambi. Tatulefwaya ukwita... Limbi ifwe...

¹⁵¹ Natwesheko ayanono ukulundapo. Natweshe yasano ukucilapo. Amakumi kumi yabili-na cimo ukufika ku makumi yabili-na fisano, muli ba J, lekeni beminine nga kuti bacita. Amakumi yabili-na cimo ukufika ku makumi yabili na fisano. Cimo, fibili, fitatu, ukubwelela kunuma, fiine. Cimo, fibili, fitatu, fiine, ico ni fisano. Cili bwino, nomba lekeni tulekelefye apo pene. Balimo ikumi na basano mu mulongo, kabili baali—baali mu mulongo pano.

¹⁵² Nomba Nalaipusha ububile bwenu bumo. Mpeni ukumfwikisha kwenu... Peni Lesa ukumfwikisha kwenu, muma mineti yalakonkapo ikumi na yasano, ikumi na mutanda. Bushe mwälacita ico? Kabili bushe mwälacita ici, isuleni umutima wenu? Nomba ibukisheni ico Nandile. Mwileka cimipitilile, kwati menshi ayaleponena panuma yacibata, ngefyo insonselo yakale yaba. Tamufwile ukucita ico. Tontonkanye pali Ici.

¹⁵³ Nga cakuti Namweba icili conse ico icishaba mu Malembo, kabili nobulayo bwa nshita, imwe muli nomulimo uwakwisa mona maninja pano kabili ena nokwisa njeba palwa ico. Ico nacilungama. Nshi—Nshi funda icintu cimbi lelo kano icaba mu Cebo. Kabili nga Naikala uwalungama pamo neco i Cebo, kabili nga Nalandia ukuti Cena cili muli uyo musango, na Lesa... Cena ninshi cili muli Baibele. Nga cakutila Malaika wakwa Shikulu anjeba icintu cimo ico icishaba muli Baibele, ena ninshi te Malaika wakwa Shikulu. Ico nacilungama. Ena tatala pa nshita imo ukunjeba icintu conse lelo kano ico icaba muli ico i Cebo, kabili imwe beni naine musunge. Ena talandapo icintu cimo, ukufuma mu myanda ya makana na makana, kabili ne ndimi sha mwi sonde, Tatala alandapo icintu conse icalubana, nangu ukulanda icintu conse icishafikilishiwa.

¹⁵⁴ Kutikeni. Ipusheni maninja nabonse pano. Pali ifi fyonsé ifyo imwe mulemona pano, fya lubali lwa bwaice ubwaico. Bushe ico nacilungama, mweba bwanayina? [Aba bwanayina batiila, “Nacilungama.”—Kale.] Mulandu nshi, kulya, kabili ukwikata pabwikashi bwamumbali, apo Ena Atiile, “Kabiyen'i kulya kuli *ici* cifulo, nokumona *ici*. Kabili *ici* cili noku fikilishiwa. Kabili noku landa *ici* kuno, pano *pene*.” Cena caba icatwalilila, inshita yonse, mwamona, kukutampa kwa mwaka nokupwa. Abantu mwi bumba bena bamonafye i—i fintu finono. Lelo nomba nga cakuti waba uwamucinshi.

¹⁵⁵ Nomba bushe umuntu onse aali muli uyu mulongo waku pepelwa, abeminine pano, beni kuli ine? Imyeniko amaboko yenu nga muli ifyo. Nacilungama. Nibanga uko muli, abeshibe ukuti nshishibepo nangu cimo palwa imwe? Imya ukuboko kobe. Nomba ilyo... Natotela. Nshile sakamana apo uuli, nga cakuti uli pa ncende yapa muulu, ukubwelela kucibumba, ukupita *pano* ponse opo uli. Nala ci...

¹⁵⁶ Nomba, ici cakubusuma bwenu. Ici cakunonkelamo cenu. Mwamona, ici cakunonkelamo cenu.

¹⁵⁷ Natontonkenye ukuti ulya aali mwishikulu wandi u umunono uwalelonda kuli ine, lelo tacali ifyo. Ninkwata umwishikulu wandi umunono muno ku ncende imo, munshita ino iyabushiku, aali mupepi noyo umushinku, kabili Natontonkenye ukuti ena aali ni Paulo munono. Ena lyonsé alanda ukuti aali nokwisa, nokwiminina pa cintamba, nokwisa

nshimikilako, kibili ena alifye nemyaka ibili. Ndetontonkanya ulya umulumendo umunono alefwaya banyina.

¹⁵⁸ Eico ibukisheni, Nde esha ukumyafwilisha. Ine... Lesa naishiba ico. Nde esha ukumwafwilisha, mwamona. Nomba lolesheni, Nde fwaya imwe mupoke ica kunonkelamo, nga cakuti Aisa pakati kesu.

¹⁵⁹ Nomba tontonkanyeni pali ico, uyu Muntu Yesu Kristu ukubombela mu mubili, kwati fintu Alaile ukuti Aali nokucita muku lekelesha. Nibanga abeshibe ukuti Alaile ico? Pamofye ngefyo caali kulya ku Sodomu, lintu Malaika apilibwile inuma Yakwe, kibili na... Ulya aali ni Lesa. Bushe namucetekela ukuti ulya aali ni Lesa? Nibanga abalecetekela ukuti ulya aali ni Lesa? ["Ameni."] Icine cine, ena aali. Baibele Yatiila ena aali. Kibili Ena, Yesu, asonteletele kuli cena. Nomba moneni.

¹⁶⁰ Nomba imwe mwebali uko mwebashikwete icitupa caku pepelwapo, Ndefwaya imwe mucite icintu cimo kuli ine, ponse apo muli. Nomba ibukisha, ifi fintu, lolesheni lintu cena cakweba ukuti iwe naundapwa, nangu conse Ico cakweba ukucita. Lolesha paco Casosa. Nga cakuti Cakweba iwe, ico cakukula icicetekelo cobe. Kibili nomba lintu ici cetekelo cobe cafika pa ncende, iwe kufikafye kibili nokupokelela Lesa. Ico teine, pantu Taata wamu Myuulu alishiba.

¹⁶¹ Nalolesha pano muli uyu mulongo, Nshimwenemo umuntu umo untu Naishiba. Nshilebamona lelo bibili nangu batatu abantu mwibumba lyonse, abo Naishiba. Kibili Nshibeshibe, pali ino nshita, kuti Natiila, nangeni umo. Ninjishiba ukuti Edmund Way aciba pano pama mineti ayanono. Nacitontonkanya ukuti Nimumona, kibili Na—Na cimupusa...

¹⁶² Nga cakuti Nshilufyenye, Namona umuntu umo Naishiba, mwaume no mukashi wakwe kibili no mukashana umunono, uweshina Fritzinger, ukufuma kulya ku Ohio. Efyo cili, bushe niwe Munyina-...ukuti Munyina Fritzinger? Iwe wikele mu caba umusango wa cashinguluka apali... Abo ni Munyina na Nkashi Fritzinger, ukufuma ku Ohio, bacibusa bandi.

¹⁶³ Kibili ku nse yaico, abekele kulya ku numa, ena ni... Namona ku lubali kuno pano, umukalamba umwaume alebutukila ku myaka yakufyalwa amakumi pabuula-na ibiili, uwe shina lya William Dauch. Ena nomukashi wakwe. Ena ni nursi. William Dauch, uwa mu Ohio, cibusa wandi nganshi. Tapapitile inshita itaali, akwete imyaka yakufyalwa amakumi pabuula-naumo, akwete ukufilwa kwa mutima ukupompa mu ku pwililikwa ukusanswa kwa mutima, kibili umukashi wakwe anjitiile, ukuya mukwangufyanya, alefwa palya pene. Kibili pa...

¹⁶⁴ Ena aliba cibusa wapa cifuba kuli ine. Mu nshila pakuya mukumumona, Naali uwasadakama. Kibili Naliminine, umo umupeto wandi wafumine mu nshila, caputawile itayala lyandi

mu tupimfyia, kibili Naile mu citesheni citwa Texaco, ukuya mbikilamo umwela, kibili bafumine, balilolekesha. Kibili Naloleshe pa muulu, Nokumona Munyina Dauch aleenda ukupita mu chalichi candi, alemposhanya mukuboko kwandi. Natiile, "Shikulu Alumbaniwe." Kibili Naloleshe ku numa uku lubali, kibili pano aishile aleenda mu musebo, kibili nokumposha mu kuboko. Naile kuli ena.

¹⁶⁵ Namwene dokota wakwe, umu Yuda umusepela, nangula umuntu wapa myaka-ya pakati, umuntu umu Yuda. Kibili Natiile, "Uletipo shani pali ena, dokota?"

¹⁶⁶ Atiile, "Ena tapali ne nshita yakwikla." Atiile "Nabamubika mwi tenti lya mwela." Atiile, "Alefwila mulya mwine." Atiile, "Ibukisha, aali ne myaka yakufyalwa amakumi pabuula-na umo."

Natile, "Ee, mukwai."

¹⁶⁷ Atiile, "Cena kufilwa kwa mutima ukupompa mukupwililika. Tapali nangu cimo icinga citwa." Atiile, "Yena ni nshita yakuya."

¹⁶⁸ Naine Natiile, "Ee, mukwai. Lelo, iyo, taleya. Epela fye."

¹⁶⁹ Naingile mukati nokubika ukuboko kwandi pe samba lye tenti. Natiile, "Munyina Dauch, bushe ule ng'umfwa ine?" Aloleshe paali ine. Nomba icine cine, mwi shina lyakwe, ena mu Gelemani, D-a-u-g-h, kibili Nanda fye lyena Dauch, mwamona. Kibili Ine—kibili Nabika nokuboko kwandi pesamba lye tenti, kibili Natiile, "Wa ng'umfwa ine, Munyina Dauch?"

Wene atile, "Ee."

Natile, "Iwe tawaye. Ine ninkumona tauleya iwe."

¹⁷⁰ Umulungu umo ukufuma palya, ninjiminina mu chalichi, nani namona aleisa aleenda mu chalichi teumbi lelo ni Munyina Dauch! Nafumine mu mumusonkano nokuya kulya ku mumana, umo bashitisha ifyakulya, ku kulya. Kibili lintu nafumine muli motoka, kibili ndeya nde enda mu musebo, Munyina Dauch aishile pamo natambika uku boko nafungulula. Fyena ifimonwa tafifilwa.

¹⁷¹ Kibili ulya muntu wa myaka yakufyalwa amakumi pabuula-na umo, kibili alasangwa ku misonkano yonse, aali mu California. Bushe kuti waimyako ukuboko kobe, Munyina Dauch? we wikele apo, ukuti abantu bengamona ifyo uwabulwi mwine mwine aali nomba. Pano, ekele pano pene, mwamona, imyaka yakufyalwa amakumi pabuula-naumo, kibili alasangwa ku misonkano yonse. Lintu Ndi pe hema, alensha ba mailoshi imyanda cila bushiku, ukwisa ngumfwa ndeshimikila isambililo ilinono, noku bwelelamo. Lesa, "Kwena kukaba u Lubuuto mu nshita ya cungulo."

¹⁷² Natile, ubushiku bumbi Nalelanda na ena, Natiile, "Cinshi ico Ninga kucitila, Munyina Dauch?"

¹⁷³ “Icakwipusha fye cimo, Munyina Branham. Lintu Akesa, Ndefwaya ukuya pamo Nankwe.”

¹⁷⁴ Natile, “Wisakamana. Ico nacisangwa. Icine cine.” Nomba umuntu aishile ingila mukati, aali batishiwe, oh, aingile no kupokelela ulubatisho lwa Mupashi wa Mushilo kibili nafyonse, umusuma umubomfi wakwa Kristu.

¹⁷⁵ Nomba Nalaipusha umuntu onse, ukuba aba mucinshi wine wine, imwe lolesheni kuno lubali no kupepa.

¹⁷⁶ Nomba nibanga bakafundisha pano abaishiba ukutila Ni Shimapepo Mukalamba, nomba line, abo abenga mukumya na mafya yesu? Ukuba, nga cakutiila Aba cimo cine mailo, ileelo, no muyayaya, kibili Shimapepo Mukalamba umo wine, Ena kuti acita mu musango umo wine. Umo, Ena, u Mubili wakwe uli pa...pa Cipuna cakwa Lesa. Nibanga abaishiba ico? [“Ameni.”] Umubili wakwa Yesu uuli pa Cipuna caka Lesa. Lelo Abomfyia imibili yesu ukUILANGISHA Umwine eka ukupitila, kwati fye fintu Ena alaile ukucita. “Imilimo intu Ncita naimwe muli no kucita pamo.”

Nalamwipusha ukwikala tondolo, mube aba mucinshi, loleni, nokupepa.

¹⁷⁷ Nomba, mwe Taata wamu Myuulu, Ninjesha ukuba uwa mucinshi nga fintu Naishiba ifyakucita, palwa ico. Nomba ishiwifye ukufuma kuli Imwe, Shikulu, kibili nomba lekeni ilinono, Ishiwi ilyatekanya likile ukupitila muli ili bumba nokutiila, “Ni Ne; mwitina.” Cifikilisheni, Taata. Kibili Naipela naibika kuli Imwe, ne Mbila iyo iyashimikilwa munshita ya bushiku, pamo ne Cebo Cenu ukushininkisha. Imwe tamufwile uku cicita ico. Lelo nga cakuti Imwe muli noku cicita, nangu Imwe ukucita ico, pantu ico Nimwe mwalaile. Naapepa ukuti Mwala fikilisha ici, mwi Shina lyakwa Yesu. Ameni.

¹⁷⁸ Kibili umuntu onse ukuba no mucinshi uwine wine, umucinshi uwine wine fye. Kuti mwacita shani? Nomba Nalamipela Amalembo ilyo tuleya kuntanshi. Nga cakuti Shikulu acita, Nshinshibe. Lelo fy...Kibili Naciba ndeshimikila ngefyo, mwamona, uyo musango umo uwakusubwa. Uyu nao musango umbi uwakusubwa. Ico cacibafye mapalo. Ici, icintu fye cimo, cilesendafye umweo wenu ukufuma kuli imwe.

¹⁷⁹ Nomba namayo eminine pano. Nshamumonapo ena mu mweo wandi. Bushe tuli beni? Nincetekela iwe wacitiila, inshita yapitapo, Nshacikwishiba iwe. Lesa alikwishiba. Alinjishiba. Bushe nawishiba ico twiminine pano nomba, tukasukilapo pali ico pa Bushiku bwa Bupingushi? [Nkashi atiila, “Ameni.”—Kale.] Bushe iwe nawishiba ico? Ishiba ukuti ico tulecita nomba, Lesa akatulenga ukwasukilapo pali ico kulya? Nalandafye ico pabwiminishi bumo. Nomba, nga cakuti Shikulu Yesu asokolola kuli ine ico ulecita, icili mu mano yobe,

nangu icintu cimo icili ngefyo, bushe wala cicetekela? Iwe ufwile wacetekela ico, teifyo? ["Ameni."]

¹⁸⁰ Bushe kuti wacetekela ico uko, mwe mwebumba?

¹⁸¹ Nomba natwiminine bwino bwino fye kwati ni ulya umwanakashi pa cishima, kibili Shikulu wesu, umwaume no mwanakashi uku kumana munshita yakubalilapo yabo. Mwamona? Tuli pano, uku kumana pa... Ico nimuli Yohane Washila chapitala 4. Nomba nga cakuti Mupashi wa Mushilo... Nga cakuti uli pano ukwimininako umuntu umbi, nga cakuti naulwala, nga cakuti bwafya bwapa ng'anda, nga cakutiila bwafya bwa mpiya, conse ifyo cili, Nshikwetepo ukwishiba. Lelo Ena alacita. Lelo Ena kuti alingulula ama tontonkanyo ayo ayali mu mutima obe. Ena ni Cebo. Ine teti. Ndi muntu. Ulifye uwa mwendo panono, kibili uyu emulandu Ndecitila ici, wamona.

¹⁸² Ubwafya bobo bumo bumo, kukwata umwenso. Ico nacilungma. Kibili walikwata ubuwele bwa shuka, ico ecintu cimbi icili icalubana naiwe. Ico nacilungama. Ifyalubana, ifintu fye ifingi nafilubana. Bushe ico nacilungama? Nga cakuti ico nacilungama, imyako ukuboko kobe. Wamona? Bushe naucetekela ukuti Alekundapa iwe? [Nkashi atiila, "Nincetekela."—Kale.] Naucetekela? Nomba, umwenso nokusakamana kobe ukufuma kumyaka yobe, wamona, lelo nomba conse ico calafuma pali iwe. Kibili Nincetekela ukuti kucicetekelo twalaya ku Kalbale, ku kubikamo u Mulopa.

¹⁸³ Nomba, eco Acitilefyne bwino bwino. Aebele umwanakashi pacishima ifyo ubwafya bwakwe bwali. Ubwafya bwakwe bwali balume abengi. Inga iwe nibwisa... Nde tontonkanya mwendo, kibili ifintu fibili nangu fitatu ukucilapo fili ifyalubana pamo naiwe. Ico nacilungama, teifyo? Ico cintu cimo cine.

¹⁸⁴ Nomba, lintu Aishile kuli Simoni, Amwebele muntu aali. Naucetekela Lesa kuti anjeba ishina lyobe? Bushe kuti cakulenga ukucetekela ukucilapo? Cena calalenga? niwe Misisi. Strong... [Nkashi atiila, "Stout."—Kale.] Stout, kuti wacetekela? Kabiye nokucetekela, kibili iwe... Cena nacipwa. Ameni.

¹⁸⁵ Isa. Bushe naucetekela? Naine ndimweni kuli iwe. Nshakwishiba. Lesa ewawkwishiba. Bushe naucetekela ukuti kuti Asokolola kuli ine ifyo ubwafya bobo buli? Kibili nga Acita ifyo, ninshi Shikulu Lesa apalwe. Bushe ico cacine? [Nkashi atiila, "Ee, cena cacine."—Kale.] Nomba taufwile—taufwile ukusakamana, wamona, uyo—uyo ni Ena, untu uleumfwa. Cisuma. Iwe ulelwala pamo ukufuma kumibebe ya mwendo nokusakamana, umwenso wama tontonkanyo, kibili cila konaula bwangu. Kibili ulecula pamo nobwafya bwacisu, kibili kuli icintu cimo icilubene nelibu, kibili nomulopa ulapwa. Ico nacilungama. Naukwata icintu cimo...

¹⁸⁶ Ulatwalililapo ukumona umuntu. Bushe naucetekela Lesa kuti akundapa? [Nkashi atiila, “Ee, Nincetekela.”—Kale.] Ukundapa umulume obe, pamo, ukumulenga ukuba umutuntulu? Bushe uletontonkanya ubwafya bwa mumala buli nokupwa, kibili aali nokuba bwino? Ico eco alelwala. Kabiye nokubika amaboko yobe pali ena, kibili umwebe ico, kibili cena cili—cena cili nokufumapo pali ena.

¹⁸⁷ Ine ndi mweni kuli iwe. Shikulu Yesu ewatwisha ifwe bonse babili, bushe Alitwisha? Bushe naucetekela ukuti Lesa kuti akundapa? Nga cakuti Shikulu Yesu asokolola kuli ine icintu ico... ico iwe ukwete... ico icili mu mutima obe, bushe naucetekela ukuti Akulenga ukuba bwino? Iwe walikwatapo ubwafya. Naukwata u—u—ubwafya bwa ndusha, pacintu cimo. Kibili icintu cimbi, calilenga icisu ukukwata imibele yafilonda, lelo ifyo efyo dokota obe alandile. Nomba, icintu cimbi nici icakuti, balefwaya uku kubombela palwa ico. Ico nacilungama bwino. Bushe ico tecacishinka? Nomba bushe naucetekela ukuti ico kuti Acicilila? Bushe uletontonkanya ici cetekelo cobe cili muli Ena? Nomba nawishiba ukuti teine ndecita ico. Naucetekela? Cisuma. Kabiye, ngefyo fine ucetekele, cibe ifyo fine kuli iwe.

¹⁸⁸ Ifwe tuli beni kuli cila umo nomunankwe, Ninsubila. Shikulu Lesa Natwisha ifwe bonse babili. Bushe naucetekela Ena kuti asokolola kuli ine ifintu ifyala kwafwilisha? [Nkashi atiila, “Ee, Ninjishiba ico.”—Kale.] Iwe, iwe naucetekela Ena ukucita. [“Kuti cacitwa.”] Ndelanda... “Kuti cacitwa,” ico cilibwino nganshi. Ico cili bwino nganshi. Nomba naukwata ifintu ifingi ifilubene, ifintu ifingi ifyakakana nefintu, kibili necakukola, kibili walifilwa ukupola. Kibili uli uwamwenso mucituntulu. Kibili—kibili ico, ico nacilungama.

¹⁸⁹ Nomba, naukwata icisendo pamutima obe, neco icisendo ca muntu umo, uyo uuli umwana obe. Kibili nakwata u—u bwafya, amafya yapa ng’anda. Ena nomukashi wakwe, balailishanya nokutwalililapo.... Kibili naiwe walikwata icisendo palwa ico. Ico nacilungama. Nomba naucetekela nomutima obe onse, kibili ukuti cena calapwa nokuya. Naucetekela nomba. Shikulu Akupale.

¹⁹⁰ Mulishani, mukwai? Ine ndi mweni kuli imwe, kibili—kibili naiwe uli mweni kuli ine. Kibili cena—cena elyo citampile... Ifimonwa nomba, Namona, cilemoneka kwati ni ng’anda yonse ilepokelela ulubuuto, kwati musango-wakwa kankungwe aleshunguluka. Mwamona? Lelo bushe naucetekela Shikulu Yesu ukuti kuti asokolola kuli ine ico wishile nokwiminina apo? Naucetekela ukuti ico kuti Acita? Naine nincetekela ico, pamo. Ndelandafye kuli iwe uku kumya umupashi obe, bwino bwino fye ico eco Ndecita kuli iwe. Wamona, Nshakwisha iwe, eico cifwile ukuba icintu cimo kulubali lwandi ecile cita ico.

Mfwile naibula nemwine nokuifunyako mukupwililika, ukuti Ena ewacita ico umwine Palwakwe. Wakutuluka?

¹⁹¹ Nomba, icintu cimo, iwe ulecula nemibebe ya mwenso nokusakamana ukukalamba, neyi imibebe ya mwenso yaliba ifyo pansiingama. Kibili iyo imibebe yamwenso nokusakamana yalikulenga ukukwata ukubutukisha kwa mulopa, pamo. Kibili walikwata ukufwa kwafilelunda. Ifyo efyo cili. Tutile, iwe limbi uli kashimikila, nangu uli kashimikila. Nomba iwe uli kashimikila; Ninkumona nawiminina kuncintamba. Nomba, ukwate icicetekelo muli Lesa, noyo mwenso walafuma pali iwe. Bonse baka pyunga balikwata ico. Iwe walaba bwino. Bwekelamo kucintamba cobe, nokunakila Lesa kibili wikalé uwacishinka kuli ico i Cebo, Yesu Kristu.

¹⁹² Naucetekela ubwafya bobo ubwa numa nabufuma pali iwe, wewikele muli uyo mupando? Naucetekela ico? [Nkashi atiila, “Ee.”—Kale.] Cisuma, mukwai, nomba twalililenipofye ukulaendauka, muletiila, “Na Mitotela, Shikulu.”

¹⁹³ Isa, namayo. Ulishani? Naucetekela ine ukuba umubomfi Wakwe? [Nkashi atiila, “Icine cine nincetekela.”—Kale.] Cisuma. Bushe naucetekela ubo ubwafya bwabu namayo, ubwafya bwabu namayo, bwalafuma pali iwe? [“Ameni.”] Naucetekela? Nomba kabiye, uletiila, “Na Mitotela, Shikulu.”

¹⁹⁴ Ubwafya bwamfyo, ubwafya bwanuma, munuma yobe. Bushe naucetekela ukuti Lesa alakulenga ukuba bwino, ukufuma kuli ico? Naucetekela ukuti Alakulenga ukuba bwino? Cisuma, bula ifyobe...?...

¹⁹⁵ Isa, namayo. Ndi mweni kuli iwe. Nga cakuti Nshilandilepo icintu nangu cimo kuli iwe, nakalya, bushe naucetekela ukuti u Kubapo kwakwa Lesa kuli pano ukundapa abalwele? [Nkashi atiila, “Icine cine, Nincetekela ico.”—Kale.] Naucetekela? Ukuba, nga wacita ico, ubwafya bobo ubwa mumala... Ninkweba, iwe wamona. Bwena—bwena nabufumapo. Ninkweba, wamona.

¹⁹⁶ Mulishani, mukwai? Lesa ekala mu mutima. Kibili nomutima obe pali ino nshita ulelanga, ukubipa. Bushe naucetekela ukuti Alaulungika bwino? Kabiye munshila yobe nokucetekela ico. Lesa akupale. Naucetekela; Alaupanga bwino.

¹⁹⁷ Uli nomwenso, uwakulenga ukukwata ubwafya bwa mumala, ifilonda finono. Filakucusha iwe panuma ngawalya. Naucetekela cafumapo conse nomba? Kabiye nokubula ifiyakulya ulye.

¹⁹⁸ Cilaba icakukoselako ukwimako, inuma ilakusakamika icibi nganshi. [Umulwele atiila, “Ee, mukwai.”—Kale.] Cena tacale kusakamika iwe nakabili, nga cakuti iwe wa cetekela ico. Walacita ico? [“Ee, mukwai.”] Cisuma, twalililapo, kibili leka Shikulu Yesu akupange ukuba bwino uwapwililika.

¹⁹⁹ Cinshi cikulengele ukukwata umwenso nokusakamana? Twalililapofye, utiile, "Nshakwatepo nakabili umwenso," kabilis tawabe ifyo. Kabiye noku cetekela. Cisuma, mukwai.

²⁰⁰ Isa, namayo. Nomba, we mwanakashi umwina Ethiopia, kabilis umwaume umusungu, bwino bwino fye kwati cintu cimo icaba ngefyo icakumenye bulya bushiku, Yesu. Balikwete akapatulula kwati nikalya bakwete ku Masamba, lelo tatwakata kena nakabili. Yesu lekeni abantu bonse beshibe ukuti bantu bakwa Lesa. Tapaba ubupusano, mwamona, nangula engaba umu Yuda nangula umwina Samaliya.

²⁰¹ Nomba, nga cakutila Lesa takwafwilishe iwe, nombaline uko ukufimba kwamolu kuli uku kulemanika. Lelo bushe naucetekela Ena alakwafwilisha, ukuti ube bwino? Pamo ngefyo umwanakashi acicita, kabiye mu musebo obe ukweba abantu bobe ukuti fintu ifikalamba ifyo Lesa acitile kuli iwe. Cisuma.

Nomba, kuli uwakubombela naipekanya ukufumya umwele.

²⁰² Pakashitafye akanono. Tacali nyuyu umwanakashi. Nomba, pakashitafye akanono umuntu onse nomucinshi nomba. Ni—ni Satana, uule esha ukucita icintu cimo. Cili pano. Cimumena, cimumena, bonse imwe babili. Ico nacilungama. Mwakwete cimumena, naena nakwata cimumena, kabilis ciwa ulya alebilikisha ubwafwilisho ukufuma kuli umo nomunankwe. Lelo Mupashi wa Mushilo alebilikisha, pamo. Ninani untu wala cetekela, Ena? Cisuma. Fuma muli ubo ubusanshi, namayo. Ima nokufuma muli ico ica kulalapo. Ima ukufuma pali ico, noku cetekela. Kabiye, naucetekela Ena nomba. Ameni.

²⁰³ Bushe naucetekela? Ifintu fyonsse kuti fyacitwa. Bushe naucetekela? Nga palwa imwe mwibumba ulukuta?

²⁰⁴ Natwiminine pamakasa yesu nomba. Nombaline enhita iyakucita ico. Lekeni umuntu onse... Lesa apale imwe. Lekeni umuntu onse eminine pamakasa yakwe nombaline. Toteleni Lesa. Imyeniko amaboko yenu.

²⁰⁵ Twa Mitotela, Shikulu Yesu! Twa Mitotela pabukulu Bwenu, no bundapishi Bwenu pabalwele.



UBUNTE BWA CITIKE PALI BEMBA BEM64-0307
(A Testimony On The Sea)

Iyi Mbila na Munyina William Marrion Branham yaletelwe intendekelo mu Cingeleshi mu cungulo pa Cibelushi, muli Kutumpu pa 7, 1964, pa Soul's Harbor Temple mu Dallas, Texas, U.S.A., yafumishiwa muli tape iyambulwa kabilo nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti ly a lembwa pali pulinta yapa ng'anda ku kubomfy a kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfy a ku kulomba indalam a ukwabula insambu shalembwa na ba Voice Of God Recordings®.

Nga mulefwaya ukwishesibilapo nafimbi nangu ukufwaya na fimb iifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org